

卷六百二十一—六百三十



文苑英華卷第六百二十一

表六十九

諫寺觀佛像都邑

此卷英華所編失年代先後今正之

諫白司馬坂營大像表二首諫多造寺觀及王主邸第表一首

諫造金仙玉真二觀表一首 諫開如拓聖善寺表一首

諫營建中都表一首

諫白司馬坂營大像表

武后

張廷珪元初

臣廷珪言夫佛者以覺知為義因心而成不可以諸相見也故經云若以色見我以音聲求我是人行邪道不能見如來此明真如之果不外求也陛下信心歸依發弘誓願壯其塔廟廣其尊容已遍於天下久矣蓋有住於相而行布施非最上第一希有之法何以言之經云若人滿三千大千世界七寶以用布施及恒沙等身命布施其福甚河多若人於此經中受持及四句

倡等為人演說其福勝彼如佛所言則陛下傾四海之財殫萬
人之力窮山之木以為塔極治之金以為像雖勞則甚矣費則
多矣而所獲福緣不愈於禪房之匹夫沙門之未學受持精進
端坐思理亦明矣臣竊為陛下小之今陛下廣樹薰修又置精
舍則經云菩薩所作福德不應貪著蓋有為之法不足高也况
此營建事殷土木或開發盤礴峻築基陛一作或填川澗轉採斫碾一作壓蟲蟻動盈巨億豈佛標坐夏之義愍蠢動而不
忍害其生或今陛下何以為之役鬼不可唯人是營通計工匠
率多貧婁朝驅暮役勞筋若骨單食瓢飲晨炊星飯飢渴所致
疾疹交集豈佛標徒行之義愍畜獸而不忍傷一作其力哉今
陛下何以為之又營築之資僧尼是稅或乞丐所致而貧閔猶
多郡州一作縣徵歛一作輸星火逼迫或謀計靡所或鬻賣以克怨

聲載路和氣未洽豈佛標隨喜之義愍愚蒙而不忍奪其產哉
今陛下何以為之且邊朔未寧軍旅一作裝日給天下虛竭海內
勞弊伏惟陛下慎之重之思菩薩之行為益一切衆生應如是
布施不住聲香味觸法布施故一作則其福德若東南西北四維
上下虛空不可思量矣何必勤懃於住相凋蒼生之業崇不急
之務乎臣以時政論之則宜安一作先邊境蓄府庫養人力臣以
釋教論之則宜救若厄滅諸相崇無為伏願陛下察臣之愚行
佛之意務以理為尚一作上不以人廢言幸甚幸甚謹言
一作皆舊唐書本傳

第二表 中宗

前人

臣謀言臣奉勅河北道宣勞今發都下從白司馬坂所過見轉
運材木雇役人夫臣勘問檢校官左藏署監事馮道得狀奉今

月八日勅於坂所脩營并造天堂安置今王弘義李昭德等分道採斫大木雷用威勢鞭捶官寮鑿山填溪以夕繼晷傷殺丁匠不可勝言費散錢數動以億計其時百姓愁苦四海騷然皇天孔明實茲降鑿凡所營構並為災火所焚懷義之徒相次伏法而死自此之後停寢十年近者狡豎張易之昌宗昌義等將欲潛圖大逆為國結怨下人兼售私木以現官利遂又與僧萬歲等設計移此坂營建今暨逆豎夷滅皇運中興陛下先發德音頻下明制除不急之務罷土木之功所以少監楊務廉遠徒屏黜頒示天下凡在其中外不勝抃躍若此像閣重復修營則與制書義殊乖越尚令二逆遺惡未除臣雖至愚固知不可且窮土木之作竭倉府之資將非崇樹勝緣求諸福德者也今則興起營造採木鑿坂蠕動含生因緣致死每當一日之內算數

尚不可知比及累歲而成譬喻豈復可及一作廣殺而求福德所獲焉補所亡慈悲之理深味弘暢方今仲春作候當務農業臣今在路經過全未見人耕種訪聞咸稱之絕苟求朝夕米糧此則百姓切急誠若懸絕矣階下受天明命作民父母可不先解倒之切而方罄財竭力修營不急之務乎特乞即日停造大像等仍量抽其錢賑濟窮乏如天恩允臣等所請天下蒼生幸甚謹迺表奏聞伏聽勅旨

諫多造寺觀及王主邸第表

見六百九十八卷疏門題作諫中宗

置公主府官疏

諫造金仙玉真二觀表

睿宗 裴灌 太極元年

臣謀言臣謹案禮記春夏月令曰無聚大眾無起大役不可與土切恐妨農事若號令乖度役使不時則人加疾疫之危國有

水旱之變

一作災

此五行之必應也今自春

一作至

夏時雨愆期下人

憂心莫知所出陛下雖降哀矜之京

一作兩

都仍有寺觀之役

一作作

時旱之應寔此之由且春令告期東作方始正是丁壯就功之

日而土木方興臣恐所妨尤多所益尤少耕夫蠶妾飢寒之源

故春秋莊公三十一年冬不雨五行傳以為歲三築臺僖公二

十一年夏日早五行傳以為時作南門勞人與役陛下每以萬

方為念睿旨殷憂

一作勤

安國濟人防微慮遠伏願陛下下明制

發德音順天時副人望兩京公私營造及諸和市木等並請且

停則蒼生幸甚若農失時戶口流散縱寺觀營構豈救黎元飢

餓之弊哉

一作皆舊唐書本傳

諫開拓聖善寺表

宋務先

臣聞有國有家者以恤人為務鄴用為先故唐堯至化采掾不

斷漢文深仁露臺罷構西方之聖道貴融心使下人不寧匹夫

竊歎豈菩薩無相布施如來慈悲本旨哉陛下孝思罔極崇建

明固

疑作因

土木之功莊嚴斯畢僧房精舍宴坐有餘禪寺道常

經行已足若便開拓奪人便利貧者有擠墜之憂富者無安堵

之所幸非急切何至於斯況陽和發生播俎伊始興役丁匠廢

業農功一夫不耕必有饑者三時之務安可奪焉臣聞失鬼神

之心可因巫祝而謝失君長之心可因左右而謝失父母之心

不可解也陛下以萬邦為念何欲傷一物之心臣雖至愚猶有

所惑方今西戎尚梗北虜未羈戰士老於邊亭後車於塞下毗

戶流散行藏空虛卒然烽候與一面之虞水旱虐數州之地乘

其不意何以禦之伏惟陛下體唐堯父母之用心思菩薩如未

之本意傷邊卒難勤之弊察下人勞怨之聲薰連外休役力實

倉廩急農桑杜枉之門正尚恥之路諸不急務一切惣停應須
拓寺請候農隙如此則國用充給黎元幸甚

諫營建中都表

韓覃

臣聞古者明王之制也史書過整誦詩公卿諫士傳言庶人傍
於道商族議於市然後君得聞其過失而後改之見義而從之
所以永有天下也陛下不以臣不肖忝在學士敢不竭忠盡節
有隱避乎詩曰靡不有初鮮克有終老氏曰慎終如始則無敗
事曩者素氏稱制萬邦憂惶實賴陛下神武克復社稷其初也
賤珍寶禁奢華罷土工敦朴素華重弊代天功垂拱無為削疑
心虛靜追蹤堯舜比德義軒天下顛傾耳注目喜遇非常之主
復在於今日矣唐哉之歌復聞於黎庶矣柰何簡易未幾而又
興建於中乎都蓄於蘭殿數倍乎弱於聲色無極者於遊畋不

節乎營為繕造象多乎都邑課稅煩劇乎不肖亡國之風因循
覆車之軌天下失望四海驚嗟朝野心知而懼罪鉗口以斯統
御天下豈所謂可及可大之業耶且自晉歷代之君皆欲建萬
代之業使子孫長有天下也豈使子孫傾覆天下哉子孫若竟
所行必將敗亡則必恐懼不敢為之矣以亡國之主自謂必不
亡也然後至於敗亡也存國之君恐懼必將亡也然後至於不
亡也易日知進退存亡得來而不失其正者具惟聖人乎又日
其亡其亡擊于包桑此言懼亡獲堅固也管仲曰古之墮國家
失社稷者非故且為之也有樂焉不知陷於惡也陸凱曰有道
之君以樂樂人無道之君以樂樂身樂人者其樂你長樂身者
不久而亡夫人者國之根也君以人為本人以君為命人安乃
君安人樂乃君樂伏惟陛下居安慮為在得圖失防患於無形

之始慎禍於纖微之初念管仲之至言棄少樂而存社稷覽陸
凱之焉論思樂人而樂弥長也禮記曰孟夏之月無有壞隳無
起土功無爰大衆無伐大樹昔魯夏城中立春秋書之垂為後
戒今建都國乃常長之大業也犯天下之大禁襲春秋之所諱
詩曰畏天之怒不敢戲豫孝經曰理國者不敢侮於鰥寡而况
於士人乎今不恤庶士之擾而建都國不畏上天之怒而長戲
豫棄安就危棄存就亡棄易就難棄約就奢而欲求有天下恐
不可得也但恐傾年以來水旱不節天下虛竭兆庶困窮戶口
逃散流離難苦鞏落暴水所夾尤多江淮赤地飢餓者衆加以
東北有不賓之寇西京有喪失之軍干戈歲增疆場騷動近又
朝謁逆命徵戍不寧料事度宜豈應更建中都矣至若兩都雖
旧制矣然而分守官衆多矣費耗用度尚以為損豈况建中都

乎夫更河東者國之服肱郡也勁銳強兵盡出於是其地隘狹
今又置都十萬之戶將安授乎夫惟所造城闕爰及苑囿毀折
間閭其令別創損壞冢墓今其改卜殷富者破其產業貧窶者
莫知所從迫威詔內懷湯火怨嗟之聲驚惶之擾之盈于途路
逮於鬼神老小孤惻泫然無計憂悲苦惱不可勝說此甚不可
也且陋東都而幸西都自西都而造中都取樂一君之欲以貴
萬人之患務在都國之多不恤危亡之變悅在遊幸之麗不顧
兆庶之困非所以建深根固蒂不拔之長策矣昔漢帝感中離
之言息事德陽之殿魏主採續咸之諫正造鄴都之宮臣職非
其位言發微細然聖主不以人廢言不以微擯人矣臣愚誠願
陛下發德音垂明詔深恤黎庶罷事中都則福履無疆天下幸
甚謹言

文苑英華卷第六百二十一

登仕郎胡柯

鄉貢進士彭叔夏

校正

文苑英華卷第六百二十二

表七十

上封事

論時事表一首

直諫表一首

進封章表一首

上封事表一首

獻事表一首

論諫職表一首

論時事表

唐高祖

李綱

臣綱言臣伏見武德五年之後四海初定陛下自負太平日就
驕侈傷於酒德稍怠萬機專與幸臣且夕遊宴所重唯聲樂所
愛唯鷹犬夷夏進送道路不絕又折辱功臣多所輕侮或發其
微特細過或加捶撻於殿庭德澤漸虧不將疑懼而戚藩公主
皆愈憲式嬪媛之家多違法度不加禁止頗有侵漁行路之間
非無誼籍又皇太子令及秦齊二教共詔勅並行唯計日之先

後州郡之職無所從授官分賞在意所欲不復論功伐簡才
行矣加以每歲秋冬田遊無度王公妃主雜操其間或時逢考
選皆在原野至於歷時不返京邑略無居人億兆失望陰懷歎
息朝之綱紀漸以弛紊而陛下不悟政教日頽在內不許論事
當朝略無諫者愚臣竊懷慄畏誠有危亡之慮臣不敢不盡言
伏待刑憲

直諫 代宗

獨孤及

臣及言伏見陛下屢發德音昭延獻納使左右侍臣得直言極
諫忠謇者無不聽狂許者無不容又辛丑唐書作壬辰詔書詔裴冕
崔渙等十有三人並集賢殿待制以備詢事考言之問此五帝
之盛德也而臣以目睹生則幸矣然傾者陛下雖容其直而不
錄其言進歷上封者大抵皆事寢不報書留不下但有容諫唐書作下

之名竟無聽諫之實遂使諫者稍稍廢無用之官罷不及之費
禁止暴兵節用愛人罔使宦官亂國敗政佞言敗厥度兢兢
軋以徼福於上下必能使天誠感而神心應及妖災以為住集作和
氣彼太伐桑穀宋免惑焉足以為陛下道哉臣一作陳奏請戒
江淮山南等諸道兵馬以贍國用陛下初不以臣言為愚妄許
當施行然及今日未有肅然之詔臣竊星之今天下唯朔方隴
西有吐蕃僕固之虞邠涇鳳翔等兵足以當之矣自此而往東
洎海南至番禺西盡邑蜀萬里無鼠竊之盜已積歲矣而兵不
為之解傾天下之貨竭天下之穀以給不用之軍而為無竭之
費臣不知其故假令居安慮危用唐書作以備不虞自可於厄害集作要
之地少四直屯集餘悉休之以其糧儲扉履之資充疲之貢賦
歲可以減國賦之半陛下豈特集作疑於改作逡巡於舊貫使

大議有所壅而矣卒集作之患日甚一日是益其弊而後其疾也臣竊惑焉夫療癘者必決之使潰今兵之為患猶癘也不以漸戢之其害茲大夫而圖之必力倍而功寡豈周易不俟終日之義欤伏惟圖其始而要其終天下幸甚臣無任懇疑之至

進封章表

齊快

臣謀言臣聞恩之重者非命可酬誠之功者無言以代但無以非命又無以疑可伸臣謝臣又聞君親之恩天地之理在臣所感異於常恩臣以廣德三年曾授徐州一尉既不赴任即同無官建中之初便荷聖澤自此累擢以至台司此臣所感異於常恩一也聖朝特重史官宰臣先獲兼授况臣不逮忽竊殊私此臣所感異於常恩二也敢言守直實稟至愚是以凡所歷官必遭飛謗慈母有授杼之惑古人著鉄竊之疑臣何人累蒙聖察

此臣所感異於常恩三也但夙多羸疾今迫衰齡常恐殊恩未酬朝露盭盡負天愧地不知所云臣謀謝臣又聞西晉山濤之事君每有所知必有密奏晉代謂之山公啓事實若令之旁一一也意在臣展盡忠之道君擇可採而行使政自上施言無外見但以臣性本庸淺識又暗劣每有聞見莫辨是非若合陳不懼垂耳目之任不合奏妄奏則當塵瀆之辜是積慙惶亟歷星歲竟未能舉一賢以自代興一利以上陳君寵偷安其罪至更重以臣除官制云尔其竭誠啓沃以廣視聽故臣得以盡其管見塵泐天聰謹別錄伏同進以間無任兢惶戰汗之至

上封事表 憲宗

李激

臣教言臣伏見今月一日赦文中外僚列應有策略可濟時者悉許上陳無有所隱臣竊以陛下登極也來擢自巖野者唯一

人而已臣感殊熒不合私身身既不私豈愛死若臣者得死於義則榮於生遠矣以元和九年十二月二十六日奏平賊三術並皆請不捨元濟其上是感其次是守其下足戰又言感不成一不矢為戰此求廟戰為陛下萬全之謀也其直言必戰者是見無禮於君如鷹鷂之逐鳥雀奮不顧身真陛下義勇之臣也昔漢代先零羗反趙充國守屯田卒武賢請討襲宣帝兩行之雖成本功豈如陛下雄邁獨斷竟斬滅兇虜則微臣前者上言為國之道也今掃清淮西是陛下之聖也社稷之福也臣猶不勝懇疑願朝廷增修德政以享外寧之功輒復自忘憂朴遠馱芻言冀以塵露少裨海嶽竊以陛下天從生質又嗜學不倦故臣敢依託經史敷陳下情特乞聖慈容其迂繁曲賜終覽則踈退小臣死骨不朽矣臣某謝中臣昔負薪偷暇讀書至周

禮見春官外史掌三皇五帝之書即楚靈王所謂三墳五典是也書叙又云三墳言天道五典言常道也然則三五之君君之至者矣臣曾學易見三皇之道加之以書見五帝之德加之以詩禮見三王之仁加之以春秋見五霸之義尋戰國策極於隋史見沿代得失因叅以百家統以九流又遺其繁華摭其精實收視黜听順其所自故遊涉中理也彭鬣三皇之化自冥於天天下道者不疾而速不行而至範圍天地曲成萬物易稱先天而天不違又云鼓萬物不與聖人同憂是三皇在上至朴未散天下大同無思無為道遙而已五帝之教自冥於地則天者其德廣運乃聖乃武乃文書曰天聰明自我人聰明天明畏自我人明威孔子曰唯天為大惟堯則之是也五帝在上唯精惟一允執厥中百姓不知其德至矣三皇之政自冥於仁仁效也不

識不知無思不服本以六德六行文以五禮六樂孔子曰以仁
理人又曰克己復禮天下歸仁焉是三王在上上仁下義仁
義相感天下大和故行葦天保之詩作成康襲政刑措四十年
至於五霸力義統盟功過揉駁傷壞王猷奏賊隳周法剗去并
殘蝕六國知及之仁不能守之故二世唐諱而亡漢高帝寬仁大
度與人同利能任使善聰納竟旬萬國孔子曰其或繼周者雖
代可知也彼蕭曹輩生於秦長秦習於秦惑於秦不盡刷秦惡
特建制度與夫三代聯輝此其未至也然皆根以忠朴與清靜
其世唐諱一作上疑代長久者亦在此文帝躬約素德罷露臺却千里馬
熙然與刑措無異賈誼尚以為皇號甚美論德不稱豈非兼以
造程裁範未抵火中歟景武昭宣亦名各有美皆以樂賢從諫
風流無窮元成哀平過有輕重皆以黜嬖佞稔豐亡國光武皇

帝龍躍白水乘舊德奉賊百萬且潰溺又平赤眉銅馬隴蜀諸
寇非項氏等夷其佐命與三傑亦異校其武蹤功決高祖若乃
稽古宅周勲臣壽儒學光教化浹躬踐理平自牧以謙自勤
以勞兢兢若不及過矣無次也明帝孝思敦九族一一肝食以
達幽枉無倖私無矜色章帝仁厚行春令建胎養法賊貧人以
苑地和帝柳符瑞肯貢獻有明章餘風皆洛都之令王自殤已
下不足徵也桓靈不道羣醜侵政誅滅賢俊流毒蒸人鬻官於
朝列於內羣盜大起腥聞在上赤帝之祚其亡也忽焉蜀先主
任託孔明有仁人風烈魏文帝席父業擅妄大言輕議舜禹摧
未本其昏塞劓矣然災青罪已羅刻三公終制省薄亦足稱也
此無他勝略繼以荒胤隣豪敵臣奸惟延數代而亡實為幸矣
晉武承三葉權力通一淮海焚恠服讓泥金容劉毅直辭輝光

霽然遠歛言嶠議使輔不左衽數百年華風不振者罪朽疑矣
南北分朝質文術背造邦者柱雄才騁奇筭約之以勤儉必有
憂呂之功焉殘國者皆淫逸其心猜毒溺私侈之以務禽奢奔
必有失鉉之敗焉嗣主善惡素較三者擬諸三漢光惑逾之美
不及者也大槩吾風巧其失也浮慮俗愚其失也鄙滯名不勝
質故陳戒於隋昔漢世唐祖帝隴蜀更詔以書貴服其心恥以
虛為勝也何以造以疑島夷索虜相濟得不愧顏於讓畔通樂
乎自隋受唐祚十一帝頒春嚮二百年矣革土垂旒亞振敵劉
但房社病同蕭曹祖述秦漢憲章周隋使周邵得擅美於前代
者龜玉毀於擯中矣乃玄宗中興崇敏環直敏未達直不深皆
輔理名才不冝責以經國也季陵甫元載媚君以佞諛迷君以
奢好引同誅異封其邪志致逆羯啓興燎不滅者非二子而誰

異代同憊共汙三紀遂使朝多忌諱俗尚苟容波驚雲抗蕩動
未息易曰通其變使人不倦神而化之使人冝之窮則變變則
通通則久是以自天祐之吉無不利竊聞至德以來天下常思
太平君臣之心非不懇切迄於今未稱者是人倦而不知變雖
君儕堯禹臣越伊周詔如尚書典誥日下既不行之行之亦何
由得通且久乎易曰化而裁之存乎變推而行之存乎通神而
明之存乎其人黜而成之不言而信存乎德行天祚聖唐以變
通之數遺陛下順而革之則悠久大厯必自此而更始矣臣觀
前代嗣帝功未有如陛下今日之盛也且乘令戮淮冠之勢以
德制恒究則思恩威兼暢矣思兼暢而又加之以捨小過宰賢
才則陛下雖欲讓太平之勲矣臣知必不得明矣伏望廓開聖
德以撥亂意自兼剝奉箴

一致志於炎昊聞再造鴻

業與天地惟新。馳之於無窮。昔舜禹以匹夫宅四海。其烈如彼。今聖代以五朝營太平。其難如此。臣又竊聞之。陛下使工伎必能是不欲其兩傷也。如此推而進之。則建皇極。致雍熙。如指諸掌。乎臣疑宰相公卿皆蘊其略。但啓沃之次未及。使陛下翹思之。疑作文武凝望。殷湯主憂。臣辱孰不憤歎。今陛下蹈道據德。安人存義。則三皇五帝三王五霸之美兼矣。與人同利。從諫如流。尚約素斥珍竒。則漢高孝文美兼矣。尊儒學。兢兢若不及。幽枉必達。無倖私。無矜色。則光武孝明之美兼矣。任託不惑。容受直言。則蜀先主晉武之美兼矣。約以高祖太宗之善訓。貫以陛下之明聖。物愬萃前。美混論消息。融而為至德。發而為玄化。以王道為尺。以大中為力度。時之宜裁酌。古今引知。蕩寃驅末。還本正六官。叙九疇。奉王制於月令。調兵食。宗孝弟。敦九族。闡諫路。顯儒學。退文華。黜卒復。後造定四人。省道釋明刑。以行令。理兵以禦戎。然後經之以禮樂。緯之以道德。推誠信以化之。二風雅以暢之。坐明堂。登靈臺。休息乎祥氣之間。陛下襲義軒於上。公卿儕稷契於中。黎元歡鼓舞於下。挹甘露。嗽醴泉。食畜四靈。不為難矣。臣愚寡聞不識。遠大伏望下宰相公卿大夫議之。如瞽言可採。伏乞摛巖封野博。引海內臣儒耆德。玄識明斷之士。大開學館。典朝賢。參講令其稽古。應時據經。便俗仍使切嗟。周復沐出精義。重作制度。使合乎宣父繼周之旨。夫正氣一衰。彼承家鼠冠戎狄。裔夷若槁葉。迎霜輕冰。涉暑罄然已去。疑然已亡。固不足塵於聖慮矣。今臣謹竭管見。獻五事。如後是非。踈密懸在天鑒。叢尔昏塞。何能自分。若乃沿革次第。時政所切。伏計宰輔必已詳奏。亦不敢更言。臣今幸生聖代。又曾謬處諫垣。逢中興

將啓之期知太平必成之術實懼不言為罪也狂瞽微臣不勝
感恩申憤之過謹戰抵承人某奉表披靈丹懇以聞臣教誠惶

獻事表 憲宗

元積 元和元年

臣積言臣聞理亂之始各有萌象二者無門在君上啓之而已
所謂萌象豈有他哉容直言廣視听躬親集作勤庶務悉信大臣
使左右近習者不敢唐書作得蔽疎遠之臣庶此理之象也此而不
理萬無一焉大臣不親直言不進抵忌諱者殺犯左右者刑與
一二近習者決事於深宮中之群臣莫得參預等畫此亂之萌
也此而不能亦萬無一焉是以古者人君即位之始萌象未見
之時必有狂直敢言之士抵忌諱獻危言在上者苟或有而容
之激而進之則天下之君子望風而悅曰彼之狂而猶容於上
下之人其敢來天下之士乎吾之道可以行矣人其小擇唐書作疎

利而言曰彼之直可以得幸於上吾將以直言集作直徼利可

也由是天下之賢與不肖各以所忠貢言於上下之志霽然而

通得失之情幽遠必達合天下之智理萬物之志人人樂得其

所戴其上如赤子之親慈母也雖誘之之為亂其可得乎臣故

曰容直言廣視聽而不理者萬無一焉及夫進計者入而不不

出直言者戮而不容則天下之君子自謀於心曰與其言耳不

用而身為戮五寧危行言遜以保其終乎小人擇利而喜曰

君子之惡者拂心逆耳之言也吾將苟順是非以幸集作事之可

也由是進見之者隔集作革而不納言事者寢而不聞若此則十

步之事不得見也朝廷之事集作情不得見而況於天下之大四

方之遠乎故曰蠶瞽之君非無耳目也蓋在集作在字左右前後者

屏蔽之不使親聽耳此而不亂其可乎集作裁昔太宗文皇帝初

即位時天下之人莫有諫者唯孫伏伽嘗以小事持諫於上文
皇帝大悅厚賜田宅以勉之自是言事者唯懼乎言不直諫不
極不能激白皇之盛意曾不以觸龍鱗犯忌議為不可矣於是
房社王魏之徒議可否於前天下四方之人言得失於外不三
四集作三年而天下大理豈文皇獨運聰明於上哉蓋以群下各
盡其忠言以揚宣發暢於天下也且夫樂全安而惡戮辱古今
之情一也豈獨貞觀之人輕犯忌諱而不惡戮辱哉蓋文皇激
而進之之切集作切也喜順從而怒謇犯亦古今之情一也豈獨
文皇甘逆耳而怒從心哉蓋以順從之利輕而危亡之禍大無
窮之業重而奉已之事微思為子孫垂不朽建水安之計也為
後嗣者豈集作其自省集作引鉗口就列飽食偷安相招為祿仕此
忠鯁之士所以竊歎而臣亦恥之十室之邑必有忠信如孔丘

者况以朝廷之大卿大夫之衆而陛下選授之精軟假令不能
如文王之多士堯舜之比屋其中豈有不溫故知新可使懋陳
政要而億則屢中者乎陛下唯虛存其義令條奏不曠及議政
之際曾不採其一說堯之疇次禹之昌言豈若是耶昔堯設謗
木於五達之衢孔子亦曰以能問於不能以多問於寡又曰立
也幸苟有過人必知之然則多聞闕疑不恥下問聖人之心也
臣不勝大願願陛下試以堯孔心為心日降清問啓其弘說其
不可者罷之可者議之於朝與執事者共之使知之必言言之
必行行之必公則君臣無私論朝廷無私政天下無私是陛下
以此辭可否於馭替而見太平之基集作階可也况國躅乎自師
與不息十年矣百一作萬姓之生產空於杼軸擁兵者第館亘街
陌奴婢厭酒肉而貪人羸餓就役刻剝集作剝床及膚新唐書作剝膚及醜長安

城中白晝推標京兆尸不敢誥加以官亂職廢將惰卒暴百揆
墮刺如紛麻沸粥百姓不敢訴於有司有司不敢聞於天聽士
庶茹毒飲痛窮而無告今其心顛顛獨恃一字集作獨指梅望於麥麥不登
則易子餒骨可跂而待眠於焚薪之上豈危於此陛下不以此
時軫薄水朽索之念勵精更始思所以救之之術忍令宗廟有
累卵之危萬集作百姓悼心而失圖臣實懼焉及去年集作歲十二
月丁巳夜中星隕如雨昨者清明降霜三月苦熱寒暑候氣錯
綜新唐書作終顛倒冷莫大焉豈下陵上替怨言之氣熾以取之耶不
然天意其集作之丁寧謹誠以是警陛下陛下宜反躬罪己旁求
賢良者而師友之黜棄貪佞不肖而竊位者下哀痛之詔去天
下所疾若可順一朝之意而輕用二字唐書作義文皇之天下乎累聖
傳序於今垂三百年矣莫不率由斯道致俗和平況陛下以上

聖之姿紹復前統即位之日天下惟新罪叔文之徒而凶邪之
黨散縣惠琳之首而悖亂之氣清集作首發承光之詐而假威之
孽除及焦陵之田蒸之情感其餘滌瑕緩死薄賦恤人賜帛者
年旌閭孝悌修廢孝建義倉莫不曲被殊私集作于有載斯
陛下上法堯舜近法太宗致理之前形見者數十豈臣庸劣一
二而能明然而臣竊復孜孜集作咄咄有所未決者獨以陛下即
位已來既周歲矣百辟卿士至于天下四方之人曾未有獻一
計進一言受陛下伏加之者賞左右前後拾遺補闕亦未有奏
一封執一諫受陛下激而進之之勸者設陳鼓置旆亟曾未聞
雪一寬決一事陛下無由不獨集作察之意者若臣筆備位諫列
名為供奉官曠日弥年不得召見每就位屏氣鞠躬不敢仰視
又安暇議得定獻可否哉供奉官尚尔又况於疏遠之臣庶雖

有特達不羣之智思欲自効其路何階遂使凡令之人以諫鼓
壓亟為靈器謂捨遺補闕為冗員臣竊思之以陛下之睿博弘
深勵精求理豈或入而不言出而不用哉蓋羣下因循不能有
所發明之罪也且臣思之今之備召見承顧問者独一二執政
而已每一對揚不及俄頃之間議天下之事臣竊料之恭承聖
問仰謝光之不暇又安得集作職陳理乱議教哉其餘瑣瑣有司
或時一召者集作見言簿書之出入計錢穀之登降不暇又安足
致齒牙問臣竊惟陛下以受集作景命維新之初何如貞觀致理
之後當貞觀致理之後以房社王魏匡輔之智而猶上封進計
者存至獻可替否者日聞今陛下當致理之初在四方多虞之
日然而言事進封者終歲無一人豈非群臣集作下因循竊位之
罪乎若臣某者稟氣怒鈍昧然無識以當陛下臨御之始首陞

下策賢之科擢授諫司恩萬恒品若復默默與在位者死則臣

莫大之罪亦萬於恒品矣輒將集作貢冒昧殊死件奏十事於復

一曰教太子以崇唐書作正邦本二曰任唐書作封諸王以固盤石

三曰出宮人以消水旱之災集無此二字四曰嫁唐書作宗諸女以遂人倫

五曰無特宰相以講庶政六曰序次對百辟以廣聰明七日復

正衙奏事以示躬親八曰許方幅糾彈以懾姦佞九曰禁非時

貢獻以絕諸求十曰省出入略遊以防銜擬凡此十者設使言

之而是是一而是見納集作非非臣之福也天下之福也苟或言之而

非非而是罪乃臣之分也亦臣之願也無任懇悃奮激効節愛

時之至謹詣東上閣門奏表並事件以聞臣稟誠惶誠恐頓首

頓首罪死罪謹言

臣某言臣聞先王之制祿也居其位不行其職者誅是以上無
虛授下不隱情臣竊觀今時集作備位素餐不行其職者莫過
於臣輩臣聞太宗文皇帝時以王瑋魏徵為諫官文皇雖宴於
寢食之間王魏實在其所用至於文皇發一言則王魏詳之而
後出舉一事則王魏慮之而後行以文皇之明合王魏之智是
以率無遺事言有典常文皇猶以為視听之未廣也因許集作
三品已上入議軍國大政以遣諫官一人一作隨入以參驗之
當是之特司耳目股肱之任者有君臣之義焉有父子之恩焉
有朋友之勸焉以是否無不替可無不行不四三年而天下大
理壘夷君長帶刀入侍者可不勝計豈千戈征伐之所致乎蓋
壘散之患銷而幽遠之情達也若此然後可以稱天子之爭臣
矣近之諫諍者則不然大不得備召見次不得參時政耕行就

列累累

集作

而已且臣聞之諫臣

集作

之職曰左右前後捨遺

補闕大則廷議小則上封近年來正衙不奏事庶臣集作罷巡

對若此則不見遺闕補捨何階不得敷陳廷議安設其所謂率

諫職也唯獨告令有不便除授有不當則奏一封執一見而已

以此集作思之君臣之際論列是非諷諭未形籌畫於至密尚

不能迴至尊之盛意備說應之巧言曰而況於既行之誥令已

命之除授然後執集作一封奏集作一見而思欲收絲論之詔

迴日月之光信無神於一矣至使凡今之人以上封進計為

妄動拾遺補闕為冗員以此稱供奉官與王瑋魏徵為等列臣

雖至愚能不自愧耳陛下若以為臣等無所裨補不足參侍從

固不當為名器無立集作於朝苟以為務廣聰明稍開集作理

道又不宜集作屏棄疎賤之使至於此伏願陛下許臣於延英

候對召臣一見賜以溫顏使臣得盡愚懇之誠備設官之職苟
或言有所可集作採得裨陛下萬分之一是臣千載之一時也如
或言不詣理塵黷聖聰則臣自真刑書以謝謬官之罪亦臣之
所集作以字集作其心也無任懇款發憤守集作職亡軀之至謹詣東上
閣門奉表以聞

文苑英華卷第六百二十二

登仕郎胡

柯

卿貢進士彭

叔夏

校正

文苑英華卷第六百二十三

雜諫論一

雜諫論表凡三卷英華所編失年代次序今正之

諫山陵制度過厚表一首

論封建表一首

論左右丞須得其人表一首

諫誥難公卿表一首

論李初立請尊賢孝表一首

論攝養表一首

諫五品已上妻犯姦不沒官表二首

請宮中眼花浪見不得輒奏表一首

諫東宮物火於魏府長表一首

諫欲觀起居紀錄表一首

諫山陵制度過厚表

太宗

虞世南

貞觀

臣聞古之聖帝明王所以薄葬非不欲崇高光顯珍寶且物以

厚其親然審而言之高墳厚隴珍物畢備此適所以為親之累
 非曰孝也是以深思遠慮安於非薄以為長久萬代之計則其
 常情以定之耳昔漢成造延昌二陵制度甚厚功費甚多諫大
 夫劉向上書其言深切皆合事理其略曰孝文居霸陵悽愴悲
 懷顧謂羣臣曰嗟乎以北山石為擲用紵絮斲漆其間豈可
 動哉張釋之進曰使其中有可欲雖錮南山猶有隙使其中物
 可欲無石擲又何戚焉夫死者無終極而國家有廢興釋之所
 言為無窮計也孝文寤焉遂以薄葬又漢氏之法人之君在位
 三分天下貢賦以一分入山陵武帝歷年長久比葬陵中不復
 容物霍光暗於大體奢侈過度其後至更使之敗赤眉賊入長
 安破茂陵取物猶不能盡無故聚斂百姓為益之用甚無謂也
 魏文帝於首陽東為壽陵終制其略曰昔堯葬壽陵因山為躰

無樹無封立寢殿園邑為擲棺足以藏骨為衣衾足以朽肉吾
 營此不食之地欲使易代之後不知其死無藏金玉一作銅鐵一
 以瓦器自古及今未有不亡之國是無不掘之墓來亂以來漢
 氏諸陵無不發掘乃至玉押金縷骸骨並盡豈不重痛哉若違
 詔妄有變改吾為戮屍於地下死而重死不忠不孝使魂而有
 知將不福汝以為求制藏之宗廟魏文此制可謂達於事矣向
 使陛下得止如秦漢之君臣則緘口而已不敢有言伏見聖德
 高遠堯舜猶所不逮而俯與秦漢之君同為奢秦捨堯舜殷周
 之節儉此臣所以戚戚一作左戚也今為立隴如此其內雖不藏珍寶
 亦非一作無益也萬代之後人但見高墳大家一作臺豈謂無金玉
 也一作臣之愚計以為漢之一作文霸陵既因山勢雖不起墳自
 然高顯今之所卜地勢即平不可不起且依白武通所陳周制

為三仞之墳其方中制度事作滅火事竟之日刻石於陵側明
立封大小高下之式明器所須皆以瓦木合於禮文一不得用
金銀銅鐵使後萬作代子孫並皆尊奉一通藏之宗廟豈不美乎
且臣下除服用三十六日已依灞陵今為墳隴又以長陵為法
恐非所宜伏願深覽古今為長久之慮臣之心亦唯願萬歲之
後神道長安陛下之孝名揚於無窮耳云云

論

一作皆唐書本傳

論封建建表

太宗

顏師古

臣師古言臣伏聞前年陛下親發聖慮將降明勅傳問卿士議
欲封建斯誠天機獨悟妙策深遠既合事宜實惟治要然而議
者不一各執異端或欲追法殷周遠遵上古天下之地盡為封
國庶姓群官皆錫茅社或云承弊之後人稀土曠封建之事普

未可行不臻至理兩失其中何者今右異俗文不同不可空採
虛名以垂實効若即廢質罷州縣列國無功而受封爵庶姓而
專臣吏非直於理不合亦自度制難成至如盤石之基實資藩
屏皇於帝子維城是寄伏以漢祖撥亂懲艾前失大啓九國雜
行霸道規橫私遠祚延長近代澆淳不樹宗子雖有王侯之
號子祚無藩輔之實故易為傾動顛而不扶前啓往賢論之已
備臣愚以為當今之要莫如量於遠近分置王國均其戶邑強
弱相齊畫野分疆不得大間以州縣雜錯而居五相維持永無
傾奪使各守其境而不能非協力同心則足扶京室陛下然後
命分諸子各就封之為置官僚皆一省選用法令之外不得擅
作威刑朝貢禮儀且為條式一定此制萬世永久則任狡絕暴
慢之心本朝無怵惕之慮臣輒獻愚管伏聽採擇塵蹟非宜退

增戰懼惶恐謹言

論左右丞須得其人表

劉洎貞觀十二年時為治書待御史

臣某言臣聞尚書萬機寔為政本伏尋此選授誠難是以八座
比於文昌二丞方於管轄爰至郎曹舊唐書本傳作曹郎上應列宿苟非
稱職窮位與機伏見比來尚書省詔勅稽停文案擁滯臣恐雖
庸劣請述其願貞觀之初未有令僕于時令務繁雜倍多於今
而丞戴胄右丞魏徵並曉達吏方質性平直事應彈率無所迴
避陛下又假以恩茲自然肅物百為唐書作司匪懈抑此之由及杜
正倫續任右丞頗亦屬下比者綱維不率並為勲親在位品有觀要
非其任功勢相傾凡在官寮未循公道雖欲自強先懼驚謗所
以郎中柳政要奪唯事諮稟尚書依違不能唐書斷決或憚聞
奏事稽延案雖理窮仍更盤下去無程限來不責遲一維出手

涉歲

唐書作載

或希旨失情或避嫌抑理勾理以案成為事了不究

是非尚書用便僻為奉公莫論當否通相姑息唯務弥縫且選

賢授能非材莫舉工夫代焉可妄加至於懿戚元勳但宜優其

禮秩或年高耄及或積病智昏既無益於時且當致之以閑逸

又妨賢路殊為不可將救茲宿弊且宜精簡四員政要作尚書左右

丞左左司郎中如並得人自然綱維恪唐書作畧舉亦當矯正

趨競豈唯息其稽滯而已

二字唐書作裁

此篇六百九十九卷疏門重出今已削去

諫誥難公卿表

太宗

前人

臣某言臣聞帝王之與凡庶聖哲之與庸愚上下相懸擬倫斯

絕是知

文粹作若乃

課唐書

至愚而對至聖以極卑而對極尊徒思

自強不可得也陛下降恩旨假慈顏擬後神篇以聽其言虛襟以

納其說猶恐群下未散對揚况動神機文粹縱天辯節辭以相

唐書其理古以排其議欲令凡庶政要并後何皆應答臣聞皇天

以無言無貴聖人以不言為德老君稱大辯若訥莊生稱會要後

至道無文此皆不欲煩也是以齊侯讀書輪篇竊笑漢皇慕古

長孺陳譏文粹此亦不欲勞也且多記則損心多語文粹則損

氣心氣內損形神外勞初雖不覺後必為累須為社稷自愛豈

為性好自傷乎竊以今日升平皆陛下刀行所至欲其文粹長

久匪由辯博但當忘彼愛憎慎茲聰捨每事敦朴無非至公若

貞節之初則可矣至若秦政強辯失人心於自矜魏文充才虧

衆望於虛說此才辯之累較然可知矣伏願略茲雄辯浩然養

氣簡彼細後篇作淡焉怡目唐書作恬字想固萬壽於南岳齊百姓

於東戶則天下幸甚皇恩斯畢文粹後篇作皇恩斯畢天下幸甚

論李初立請尊賢學表

後篇作請太子前長重道書

前人

臣某言臣聞郊迎四方孟侯所以成德蓋學二讓元良由是作

貞斯皆屈主祀後篇作之尊申下交之後篇有義故得芻言咸篤

脊問傍通不出訐庭坐知天壤率由茲道永固鴻基後篇作者焉

至若生平深宮之中長乎婦人之手未嘗識憂懼無由曉風俗

雖復神機不測天縱生質而開物成務終由外獎夫宗彼于篇

聽茲謠訟何以辨章庶積甄覈尋倫歷考賢聖咸資琢玉是故

周儲上哲師望爽而加裕漢嗣政要深仁引園綺而昭德原夫太

子宗祧是繫善惡之際興亡斯在不動於始會要作苟將悔於終

是以晁錯上書令先通政術賈誼獻策務前知禮教竊惟皇子

玉裕挺生金聲夙振明允篤誠之美孝友仁義之方皆挺自天

姿非勞審論固以華夷仰德翔冰希風矣然則寢門視後篇膳已

假令供奉有隙，斬足還東宮朝謁。政要既且疏。政要事忻仰規

諫之道固所求，未假陛下不可以親教宮案。因無唐書以進言

雖有且察，竟將何補？伏願俯循前躅，稍抑下流，弘遠大之規，展

師友之義，則離唐書微克茂。帝圖斯廣，凡在黎元，孰不慶賴。太

子溫良恭儉，聰明睿哲，含靈所悉。臣豈不知而淺識，勤勤思効

愚表者，願滄溟益潤，日月增華也。云云

此篇六百七十七卷重出，今已削去。

論攝養表 太宗 岑文本

臣某言：臣聞生者天之德，人者有生之最靈。是以物無大小，咸愛其命；人無貴賤，咸貴其生。故聖人弘全身之道，而能免於憂患；賢者著養生之術，而能終其壽考。嵇康有云：道養得理，以盡性命，上獲千餘歲，下可數百年，而皆不精，故罕能得之。又云：

夫為稼於湯代，偏有一既之功，雖同焦爛，必既者後，括然則一

既之益不可誣矣。誠哉斯言，實為篤論。但養生之術，固非一途，

詳求至理，語其大略，莫若順陰之序，節寒溫之中。何則？人資陰

陽以育，俟寒溫以成。雖稟於五帝，而連類於萬物。在春夏也，萬

物因而生長；人亦且微受溫暖，以豐其飢膚。在秋冬也，萬物因

而收成人，亦且微受溫涼，以堅其筋骨。是以貧賤之人，皆順其

性而疾病者少；貴富之人，多違其真而疾病者多。是知春生夏

長，秋收冬藏，此大道之大經也。不順無利，無以為天下紀綱。故

日月回時之順，不可失也。仲長統曰：百年者人之常壽，之上者

也。順四時，節飲食，適衣服，遠声色，避災患，者濟上壽之常道。至

於吐故納新，熊經鴟顧，此乃山林之術，非廟堂所行。養之要唯

斯而已。竊惟帝王之位，尊貴斯極，夏則復殿，清暑長廡，生寒金

壘浮蟻無赫犧之色玉饌含氷有淒涼之氣冬則温室瑾戶曲
房掩軒前盈獸炭輕扇可以在搢躬御狐曰微汗可以沾襟斯
皆陰陽變易寒溫過度雖適一時之性實乖四序之宜故荀卿
曰喜怒哀樂好惡必得其中所以養神也寒溫盈虛消息必得
其中所以養氣也寢與動靜屈伸必得其中所以養體也是知
攝生之道必在得宜况陛下憂勤之心勞於內豈可使冬夏之
節候虧於外哉伏願降日月之明覽賢聖之旨順陰陽之序節
寒溫之中則南山之壽更增於億年北極之尊永固於萬國

諫五品已上妻犯姦不沒官表

太宗

褚遂良

臣遂良言臣聞大聖明文必不垂憲法使聽之者知善聞之者
自新謂之中刑而終久無赦糠粃古昔而樹之風嗚冠蓋百王
光茲至道伏惟陛下心記五車生談千卷斷決機務必先至理

臣昨日伏見勅門下五品已上官人妻及女等有犯罪者並沒
為官婢夫犯惡逆始用此刑不然歷代雜刑曾無此準聖主可
以理干臣乞以一理敢煩天聽夫禁穢防姦既張羅網生民干
犯必有具事今忽有三公六尚書等官當重寄或有子數人半
居文武而此三公六尚書之婦忽犯姦淫披猖衢路沒為官婢
其夫陸恥其子亦愧更何顏以在列亦無面以當官合門恥辱
一時俱弃至於九卿之室十二衛將軍之妻沒為官婢夫豈不
愧雖有文武幹珪璋之質朝廷之所唾笑儕流之所指點自始
伊戚理須屏跡臣恐失諸人倫其從此起是以古者行其大体
而略其微細掩其家室而用其才能若沒其女亦為狼狽厥父
與凡朝顏自處乞陛下審教化之本詳刑罰之要臣甘從鼎鑊
更請一言忽若群王近親縣王密屬有如此若為処置若沒為

官婢則非復國章若不為憊則同罪異罰臣慶案前載參驗當
今輕敢思量實為不可臣荷陛下殊恩擢居近侍披跡庸流位
班四品官高祿厚於臣願足俛仰而無憊過從容而悅聖顏所
以敢犯雷電獻心帷扈者夙奉深恩願罄微節昔臣有慕汲黯
而願其后為堯舜守茲愚誠欲崇主德雖則畏懼必冀陳聞伏
願天明一垂矜察陛下必以為此事難容理須懲肅何可更付
近臣詳議增加其罪臣未敢出勅手跣執踣敢冒宸嚴伏待刑
憲

第二表

前人

臣遂良言昔人輪馬至誠必通幽顯是以落日迴光飛泉上出
臣丹心不著空祈所覽擢臣之法不足離憊臣今日五日詣度
化門進封表論五品已上官人妻及女等有犯罪者沒為官為

婢既未進旨下情惶懼臣又再三思量為不可唯有身犯叛逆
天下不容妻女等始合配沒自茲以往曾無此例若犯姦罪身
即沒官不敬舅姑則依常律自非中刑不可為教至於一婦沒
官其夫及子同宗合門有大羞彙是在朝者皆不可用群近親
縣主密戚或有如此事並具前表夫帝王作典謂之利用恐其
罪而化之不因其罪而利之不驚人心不異物議教民以善不
為異罰自三皇以來二百餘帝禁止姦穢皆無此法至於明聖
獨用此刑既慙古昔終塵德義然則刑為政教之用政宗為稷
之本若再三如此天下依行臣恐政道因茲漸就流壞是以不
避嚴誅更敢一請若即班行四方談議臣緘口不言罪合萬死
執以陳聞伏候刑憲謹言

請宮中眼淚浪見不得輒奏表

前人

臣遂良言昔者聖人之於鬼神也聞之而不獨信知之而不專恃是以顛頊依於鬼神制之以政不懼驚異增修仁德孔子不語怪力亂神伏惟陛下氣蓋區中威移海外擁百萬之陣頊九夷之類自書始所載未之前聞夫人歡樂則意氣高悲哀則膽力少自不可信茲訛惑轉移常操而宮中嬪列謂之婦人恆弱周章眼花浪見更相恐懼動一驚百雖有孟賁壯志孔翟精成終不兌聽之心疑聞之意動變異之末且諸前志自須制之以貞正厲之以安靜謂之為吉則為變謂之為祥則為嘉如臣愚見宜勅宮中眼花浪見不得報告傍人更相恐動亦不得專輒奏聞如此而不安然臣受死罪臣謹錄前載所見皆為吉慶且別伏以聞

諫東宮物少於魏府長表

通鑑在貞觀十六年政要作十三年非

前人

臣遂良言昔聖人制禮尊嫡卑庶謂之儲君道亞霄極其為榮重周物不計泉貨財帛與王者共之庶子體卑不得為列所以寒嫌疑之漸除禍亂之源而先王必本人情然後制法知有國家必有嫡庶子雖愛不得超庶然越嫡子正體特須尊崇如當親者踈當尊者卑何作不能明定則佞巧之姦承機而動私恩舊唐書作善公或至亂國伏惟陛下功超邃古道冠百王發號施令為世作法一日萬機未盡其美唐書作武未盡矣臣職在諫諍無容靜嘿伏見東宮料物歲而得四萬段付市貨賣凡直一萬一千貫魏府別州封及廩物一年凡直一萬六千貫此貫此便儲后俸料餼少於諸藩唐書作魏王朝野聞見以為非是唐書作不以為是陛下往年行幸自洛陽還太子於關首獻食家令無物可用遂因出綾絲貨充昇實預是宮臣誰不聞見陛下必以為魏府支用見不足人多費

廣此理可通然則至於儲君更宜增益臣謹按漢文帝披輿地圖等儲君戶口諸子租歲不過二千萬明德焉后為言亦不徧得此方防其嗜慾節其驕恣伏願陛下頻擇漢世弘無徧儲君之用微附古者然普王陛下親自撫養至於成立上聖深慈徧所種愛博曰臣聞愛子教之以義方忠孝恭儉義方之謂國家於東宮略同魏府即日所覩未有殊別語將來不可不慮若多其室宇唯欲崇高暢以金貝使其盈積家人多於餘國良馬超於列蕃王成童之年以得如此長世以後嗜慾方生歲則增收喜微減則失意財多則溢罕有克全寵祿過驕安自齊昔漢竇太后及景帝遂驕恣梁孝王封四十餘城苑方二百里大治宮室復道弥望財巨萬計入警出驛小不得意發病而死宣帝亦驕恣淮陽憲王幾至放敗輔以退讓之臣僅乃獲免伏願陛下

四字唐書
作目魏

王既新出閣恒存礼制

故要作訓
唐書作則

言提其耳且示節儉自

可在後月加歲增愛子豈慮不足微臣庸暗不知大體所有管見願悉言之特願天明曲垂肯覽即日諸王僚佐皆選上才或幹職有餘識見猶闕莫不誘王財賄徧曲聞奏他王皆不得我王獨得之以此自矜以茲為美即日僚佐率多如此愚臣所見特謂不然傳日上之化下如風之靡草也則衆人萬語不及陛下下一言能成就保全唯在陛下番意子弟置嚴師傳或諸王之國帝弟歸藩何嘗不德音懇切示其成敗此皆皇帝美制以為矜首諸王尊奉則無憊失然則芴蕘之說更有可觀愚臣千慮或一可採伏願陛下廣加教喻他王皆求請有一王獨足陛下則崇賞之他王皆戲有一王獨愛學陛下則崇賞之他王好獵有一王獨不遊陛下則崇賞之他王嘗作有一王獨靜處陛下

則崇賞之上好之則下為之上賞之則下趨之雕琢諸玉皆成
退素如斯陷敗臣所不聞薰風所扇日馳千里既教唐書之以
謙儉又勸之以文學惟忠是孝因而獎之道德齊禮乃為良器
此所謂聖人之教不肅而成者臣以不才叨居諫職其從昇黜
輕敢以聞煩讙之慙伏增戰懼

漢世太宗特二
名不偏諱

諫啟觀起居紀錄表

朱子奢貞觀

臣子奢言今月不六日陛下出聖旨發德音以起居紀錄書帝
臧否前代但藏之官人主不見今欲親自觀覽用知得失愚以
為聖德在躬舉無過事史官所述義歸盡善陛下獨覽起居於
事無失若以此法傳示子孫竊有未喻太唐雖七百之祚天命
無改至於曾玄已後或非上智但中主庸君飾非鑿短見特史
直辭極陳善惡未必肖躬罪已唯當致怨史官但君上尊嚴臣
下卑賤有一於此何地外刑既不能朱雲廷折薰狐無隱排霜
觸電無顏死亡唯應希風順旨全身遠害悠悠千載何所聞乎
所以前代不觀蓋為此也其或有未允謹以奏聞伏待刑憲

文苑英華卷第六百二十三

登仕郎胡

柯

鄉貢進士彭

叔夏

校正

文苑英華卷第六百二十四

雜諫論二

諫農時出使表一首

為河內王論功表一首

論天官秋官及理歷使愆失表一首

論災異表一首

論則天不宜合葬乾陵表一首

論理多祚充夾侍表一首

論中宗皇帝請內朝西宮表一首

論別宅文婦入宮表二首
論太廟屋壞請修德表一首

為從叔鴻臚少卿論早請掩骼埋胔表一首

諫拜陵寢早表一首
江南府奏論驛馬表一首

諫農時出使表

高宗

劉思立

臣思立言臣伏見河南河北早儉勅遣御史中丞崔謚給事中
 劉景先分往一作道存問兼量事賑貸竊以水旱流行古今代有不
 專示責一作生亦以戒盈伏惟天皇德越堯湯恩隆父母綏逢殊
 候即軫冲襟但謂聖人隔於九重不知皇心遍於四海所以分
 道出使量事優矜曲成調給特加存問誠非愚闇所合名言然
 芻蕘之情尚有未達敢獻狂直乞垂省覽何者麥序方秋蠶功
 未及一作畢三時之務萬姓所先勅使撫巡人皆悚抃志其家業
 冀比天恩踴躍來一作參迎必難抑止集眾衆英華作其積聚非既廣妨廢
 亦多加以途程往還兼之晨夕停止一作滯設遣物一作晨去決不盡還
 况宜問真見眾人賑給須作文簿少處猶經兩月多處必更淹
 延都計所歷州縣煩擾不可勝紀又一使之下凡有一十六人
 并馱所須惣乘一馬無驛之處須動公私簡弱取強非五十二匹

不可禁馬之所求覓甚難使人欲未必須預追簡擇兩後農安

唐書特功常情慙廢須臾即虧歲計每為一馬逐勞數家按此相

乘恐更滋甚又刺史縣令委任不懼桂勅責成合稱明旨用倉

給戶不足為難且令賑貸庶免飢之若須出使襄貶請待秋後

閑時臣備位愚司不敢不奏云云一作皆舊唐書劉憲傳

為河內王武懿宗論功表 武后

臣懿宗言伏奉某月日制書錄臣等在軍微功將加勲封嘉命

聿至寵靈載優伏對慙殞魂守顛越臣某中謝臣聞古者名將

先士卒而後身故其功勸未世庸將窮人力以寵已故其政乖

然則單醪投河三軍告醉刑印在手萬夫以失與眾共功專以

獨利成敗之紀興亡繼焉賞者國之大柄不可忽焉日者林胡

構孽敢亂邊陲陛下徵義兵議不道天下士眾彙集星馳皆亡

身憂國紓禍却難至於窮矢石血草莽冒艱儉歷寒温氣騰青
 雲精貫白日誠亦勤矣雖則聖靈威遠逆虜自滅然士卒戮力
 亦盡其勞今大功未酬衆議猶在布臣等驚怯猥加先封臣不
 能折衝虜庭還師衽席今坐加第一一作之賜以先將士之勤
 使鶡冠虎唐臣將何以勸今戰夫留滯於外俯軍吏咨嗟於下
 寮臣等胡顏敢冒天造夫賞一勸百猶恐未享利一沮萬其弊
 誰救爵命不可以招謗國章不可以假人伏願府廻天光照登
 軍札請臣前件勲封廻授征戰之人及立功將士等上以明國
 之大賞下以知臣等謬功使人悅忘勞士敢知死然後兵可訓
 勵士可誅辱此誠國之元經不可苟而利者臣等不勝區區悚
 迫之至

論天官秋官及理廳使愆失表 共后 徐有功

臣有功言自陛下即位以來海內官唐書本傳員一定而天下

選人漸多掌選之曹用捨不平補擬乖次應留即放應放翻留

囑請公顏面罔懼遂使囂謗滿路怨讟盈朝浸以為常殊無愧

悼又往屬揚豫構禍唐書作唐時多逆節鞠迅結斷刑獄至嚴革

命而唐書未載祀遽精餘風未殄用法猶深今推鞠者猶行酷

法依律文妄稱異端虛立證據構為罪狀舍法用情格律昭然

無心遵奉斷事則不依款占不據條章狀表生情法法構理率

心任意輕重自由天下稱冤莫不緣此陛下九重嚴祕萬機事

惣何能一一躬覽事事親詳近臣畏罪而不言大臣重祿而不

奏遂令刻薄之吏弊法未悛士子朝臣屏氣累息皆不自保恐

墜網羅陛下所令朝堂受表設匿投狀空有其名竟無其實並

不能正直各自防閑延歲時拖曳未去叫閤不達搥鼓不聞抱

恨銜思吁嗟而已至誠所感和氣必傷豈不由受委任者不副天心是陛下務欲使申其寃是有司務在曾重其枉塵垢聖德隱蔽宸聰者是臣等不勝死罪死罪臣今請考選官銓注不平致令在外怨讟臣者即察訪糾而彈之獲其曲狀望貶考奪祿以愧其心罪仍依法其刑獄推斷之官有行酷法妄加詰斷臣即按驗奏而劾之獲其枉狀請即付法斷罪亦準前條奪祿貶孝以慙其德其三司受表及理歷申寃使不速與奪致令擁滯唐書委任君臣之際義在無猜寄託之隆無過考選令人監視全無付信徒為證見翻使有詞不如每事委之使臣得握霜筆其監考選御史望請愆停然昔虞法司緣蒙擢用臣愚無以上答至造願以執酬恩無縱詭隨不避強禦猛噬驚擊是臣之分如天恩允臣所奏請降勅施行庶不越旬時亦可以除革弊刑措不用天下幸甚

論災異表

已見六百二十卷

張說

論則天下不宜合葬乾陵表

中宗

嚴若思

名譔以字行

臣謹按天元房錄葬法云尊者先葬卑者不合於後開入臣聞葬一無此三字則天太后於天皇大帝今欲開乾陵合葬即是以卑動尊事既不經恐不一作安隱臣又聞乾陵云宮一作闕新其門以石一作闕塞其石縫隙鑄鐵以固其中今若開陵必須鑿鑿以神明之道體尚坐玄今乃動衆加功誠恐多所驚黷又若別開門道以入玄宮即往者葬時神位先定今更改作為害益深又以修築乾陵之後國頗有難遂至則天太后權愆萬機二十餘年其難如定今乃更加營作伏恐更有難生但合葬非古者在禮經

緣情為用固無定準一作無是作準况今事有不安豈可復循斯制狀見

漢時諸陵皇后多不合葬魏晉已降始有合者然以兩漢積年

向餘四百魏晉之後祔皆不長雖受命應期有因天假然以循

機享德亦在時文但陵墓所安必須一作資勝地後胤嗣續一作後

事改魏晉之額綱於乾陵傍更擇吉地取生墓之法別起一陵

既得從葬之儀又成固本之業臣伏以合葬者緣人一作緣私情

不合者前循一作修故事若以神道有知幽途自得通會若以死者

無知合之復有何益然以山川精氣上為星象若葬得其所則

神安後昌若葬失其儀則危後損所以先哲垂範且立一作葬

經欲使生之人道必安死者之神永一作泰伏望少迴天眷俯鑒

難一作難臣言行古昔之明規制一作私情之愛欲使社稷長享天下人

安凡在懷生孰不慶幸一作皆舊唐書本傳

諫李多祚充夾侍表 中宗

王覲 見舊唐書李多祚傳

臣覲言竊惟祔廟之禮在於尊祖奉先肅事之儀豈敢惟親與

德伏見恩勅令安國相王與李多祚共唐書乘且多祚夷人有

初於國適可加之寵爵豈宜逼奉至尊將唐書帝第而連衡與

吾君而共輦誠恐萬方之人不允所望昔文帝引趙談亦乘袁

盎伏車前日臣聞天子所共乘與二字唐書作者皆天下豪英

今漢雖之人陛下獨奈何與刀鋸之餘共載於是斥而下之多

祚雖無趙談之累亦非卿相之重不自循省無聞固讓豈國之

良輔更無其人史所書將示於後何袁盎之雖諫獨微臣之不

及惟陛下詳擇焉

諫中宗皇帝請內朝西宮表

盧懷慎

臣懷慎言臣聞書曰亶聰明作元后元后作人父母伏惟陛下
敬順昊天為人父母之一一於孝乎故曰夫孝者天之經地
之義人之本也是陛下躬率此道為天下先每十日朝宮西式
展親親之義故得萬國之勸心者實惟陛下孝理天下也臣竊
不揆頗聞於師王者必深居而高視用以表其嚴重也其將動
未嘗不清道而後發升車而後引出有警入有蹕用備其周衛
也今陛下再立乾坤重安社稷克定中與之業務弘大孝之端
因心臣心何敢預然陛下臣之君父也夫為臣子者得不致盡
忠孝乎忠孝之事臣安敢讓也固知言出必死亦所無辭臣死
罪死罪臣聞昔者漢祖受命五日一朝太公於襍陽官今日陛
下豈不欲為此一作乎臣度其事業其此有異夫漢祖起布衣登
皇極子有天下尊歸於父母故行於此再令陛下守繼統嗣武

開基奉三聖之休烈當千齡寶命順天立極蓋曰其常不知何
為更用此道遠自三五洎乎夏殷聖帝明王臣所覽見未有用
此者陛下安所取哉則臣聞不事師古匪說攸聞禮煩則黷柳
有其義况應天去堤象統至二里餘騎不得成列車不得方軌
於茲屢出假愚人萬有犯厲車之塵者陛下雖罪之何及縱使
萬全亦非重慎之道也且唐之寶命繼在陛下雖欲自忽其若
社稷何其若宗廟何頃三衛仗中路相失一作當時驚動聖聽
臣等空知待死臣死罪死罪望陛下從今已後遵其內朝一則
有賜於溫清二則無煩於出入教慎之道誰曰不然必以長至
在辰元正布歷應天納祐行慶有期則願陛下備法駕周羽儀
然後出朝亦天下大禮也居常之日竊願陛下思之臣本書生
叨榮執簡輒薦芻蕘之議願申犬馬之誠特乞天恩察其愚壘

無任惶欵之至謹詣閣奉表以聞

論別宅女婦入宮表

張廷珪 開元中

臣廷珪言奉進止別宅女婦皆遣入宮勅至黃門臣已執奏停
寢數日宰相重宣陛下以人廢言未蒙允納密旨增峻制獄益
嚴事相牽聯重有追掩竊聞輿議足以傷心或母子生離或男
女永隔冤酷之至有甚於死方春德澤萬物昭蘇豈獨斯人不
霑雨露一傷和氣恐沮聖息况所進宮人皆非婉麗陛下容易
將入下人迫脅而行不作無益害有益臣必知其然矣又陛下
至明之君當比德於上皇豈校迹於中况春秋日拆盛祚慶無
窮樹德將建於千年臣尚謂少行事儻乖於一物臣竊有疑且
臣位在黃門年高白首常恐寵祿過厚顛墜微躬何所覲覩輒
有干議伏以連逢昌運沐浴湛恩如不投心竭誠無乃希旨苟

免六合雖廣取容何地不勝愚懇之至謹重昧死奏聞伏願曲
留天鑒少垂務采

第二表

前人

臣廷珪言檢貞觀永徵故事婦人犯私並無入宮之例準天授
二年有勅京師神都女犯姦先決杖六十配人掖庭至太極脩
格已從除削唯決六十仍依法科罪今不依貞觀永徵典故又
拾太極憲章而依天授之法臣愚竊將謂未便且法令者舉
天下共之者也君不可失之於上臣不可違之於下如或失之
於上則無以銜下矣如或違之於下則無以事上矣所古之聖
人垂範作式縣諸象魏銘於景鍾昭示萬方期於畫一由是法
有定禁時無濫刑化鼓邕和俗登仁壽鸞鳳巢閣麒麟在效膏
露浮甘棠雲布彩方今聖道包於天地仁恩洽於呂物明無不

燭聽無不昕時康俗泰遠肅邇安豈可并平之朝而行未令之
罰臣之愚鄙伏深疑懼無任懇迫之極謹昧死重連正勅奏聞
特乞天恩曲垂務鑒得令別宅女婦等各准法處分率土蒼生
幸甚如允臣所請仍望便停今勅令內宣降進止

論太廟屋壞請脩德表

玄宗

褚無量

開元五年

臣聞尚書鳴範傳云王者明盛陽微則先祖見其變昔成湯遇
旱引事自責云女謁盛邪今則太宗毀壞即是先祖示變後宮
衆多事即是陰盛陽微伏請後宮之中非所幸者親亭之後簡
出少應其變則上答先祖必災異自消昔殷帝武丁癸成湯有
飛雉升鼎耳而雉武丁憂懼問其臣祖乙祖乙曰王勿憂先脩
政事武丁乃脩政行德殷道復興昔大戊之時桑穀二木共生
於朝一暮大拱此不恭之罪也大戊脩德桑德自消昔周成王

之時周公輔政二穀流言秋大熟未獲天大雷電以風禾則盡
偃大木斯拔邦人太恐王乃與大夫盡出郊天乃返風禾則盡
起歲則大熟昔宋景公之時熒惑守心景公問之司星子常對
曰禍在君可移於相公曰宰相所與共理國也日移於人公曰
人死誰為君日移於歲公曰乏食人必死子常曰天處高而聽
卑君有至德之言三必三賞熒惑果徙三舍至漢之文景並獻
明天子也亦災異繼起修德行政其名益光愚又竊聞左右近
臣妄奏云國家太廟其柱木是符堅時舊殿臣按括地志云隋
文帝創立新都移宇文廟故殿改造此廟元非符堅及宇文氏
所作也况國家隋文帝貴為天子富有四海豈復遽取符堅之
舊殿以充大廟者乎此則言偽而辨殊不足採納伏願精選
用賢良節奢靡輕賦稅繼絕代慎刑罰納諫爭察諂諛夫賢良

任用則能興化臻理矣節奪靡則不恣耳目之欲清靜之風行矣輕稅賦則下人樂以奉上不困窮矣繼絕代則崇德報功有勸沮矣慎刑罰寬猛相濟不濫矣納諫諍刑日聞已過人竭忠矣察諂諛則君子道長無邪僻矣非禮勿動順時行令夫如是則人和人和則氣和氣和則天地和矣天地和會災異自消伏願陛下虔奉神心兢謹天誠幸甚

為從叔鴻臚少卿論早請掩骼埋胔表

玄宗蕭穎士

臣言臣聞事君之義有犯無隱故心苟所至願伏必上聞所以罄露塵涓裨助仙海則匪躬之節著致主之情竭矣臣實無庸志業非遠幸逢明聖累忝驅策位登四品官亞九卿叨竊已多荅効無紀常願剝肝碎骨仰報於天此臣累行前修悃欵終夕不能已也臣某中謝臣聞諸傳曰天災流行國家代有雖升平之

代秉哲之召禮義不僖刑憲斯中而適當其際化理不固故商武受命之賢王周宣中興之令主桑林未鑄金石以銷禮其大統則陰陽之數義實固然推其至理則時之軌端政率取此誠細有所遺驗諸方志昭然可辨雖日月薄蝕無損於明而宵肝競懷未喻其道良足惜也伏惟開元聖文神武皇帝陛下道格上蒼功深下濟叶兩儀之高厚并四序之運行告成岱宗而靈響聿應展禮農藉而嘉禾實穎烝烝過於虞后翼翼邁於周文故玄祖契會昌之符蒼踐仁壽之域臣竊觀圖諜所記生靈以來巍巍赫赫未有如聖朝之盛者也而水旱小數時或僊和旬不兩仍延聖慮臣竊以殷周之事考之斯可得而言矣臣聞道德經曰大旱之後必有凶年論語亦曰因之以師旅加之以饑饉蓋云曝骨中原感動和氣疢癘是作災害用生故強死之

魂傳稱為鬼積尸之氣礼有驅除不徒言也臣竊觀成湯之受命也前有伐葛之役後有并師之師凡七十二征而天下服故其詩曰武王載祜有虔秉鉞如火烈烈莫我敢逼宣王之中興也亦南征淮甸北伐太原外攘戎狄復文武之士故曰詩曰六月棲棲戎車既飾四牡騤騤載是常服則二主用師而定也明矣未聞有岐昌掩骼之政秦穆封尸之令早漢之故不且亦乎不然則月令孟春之命一作掩骼埋胔周禮蜡人職掌凡國獸禁埋而置揭焉豈虛設也臣聞之五材並用誰能去兵小則施諸市朝大則陳諸原野我國家橐鞬理定十紀于斯陛下重之以懷柔申之以靈武三韓左衽夷於郡縣六狄解辨願為臣妄詩書所載未之聞也而西戎醜類尚與兖野之師東胡噍餘猶徹柳城之戍陛下爰整其旅吊厥匪人雖有征無戰不聞遺鏃

之矢而恃險與馬猶積抗輪之斃故血膏草莽骸聚丘山史不絕書士有餘勇以為常矣臣又聞之帝王者則天而法地長物以子人如天之無不燾如地之無不載故天無遺人雖古先哲王內諸華而外夷狄亦云腰服者貢荒服者王聲教所加于一揆所以代其叛而柔其服重其生而哀其死詩曰普天下之下莫非王土書曰丕冒海隅莫不率俾此之謂也頃春之季恒陽小憊宿麥未登首種不入賴陛下憂勞曰吳以萬物為心天且不違應如影響閏月云慕兩時滂流我田我私既浹祁祁之澤彼黍彼稷方成油油之稼此天慶陛下至誠作人感陛下深矣而密雲未洒忽復二旬時屬炎蒸土仍溱漉元元之望又如于茲昔燕祠寡婦延闔境之潤漢察寃囚致隨車之雨澤作今陛下當措刑之濟必封之毗吏不苛刻人無怨訴憊元之由有異於

彼愚臣不敏一作報字竊有所見謂宜分遣制使往校邊庭凡戰陣之処骸所在即時埋掩仍施勵禁則儀刑萬國仁洽九泉存亡均雨露華夷同日月之照庶膏液具聖私齊運旱苗將朽骨俱榮不任云云

諫拜陵侵早表

劉彤

臣彤言陛下明發不寐展敬山陵朝拜之時必候清曉此誠孝思罔極求諸幽明之義弘也將事發軔路猶曠黑紅塵四合白刃交馳往來不相知左右不相識假令有敗車逸馬枯木朽株則變在不虞患生所忽不可輕也愚臣淺識實以愚迫伏願慮及細微以安宗社拜陵之日必候朝光則凡有百歡心普天下幸甚臣某云云

河南府奏論驛馬表

臣某言今月一旦中使魏光勝至伏奉手詔當管每驛更加鞍添馬不得停留往來使命者伏以所到剽傳以備急宣由臣政術無方致令馬畜有闕忽奉恩詔憂惶失圖臣某謝臣伏以當府重務無過驛馬臣到官之日惟此是圖雖收市百端死損相繼蓋緣府界闊遠山谷重自春多兩馬蹄又軟驅馳石路斃踏實多此於陝虢已西及汝鄭等處道路稍異日夜倍憂又西自永寧東自汜水南到臨汝北達河陽正驛都管一十六所常加填備動以欠闕此皆以臣無政術上軫聖心竭地踏天詩踏天下足所處臣今分遣官吏稍加價錢兼令外求冀免有闕臣某謝又盧會昌到日臣謹依詔旨差人領送上都無任懇迫惶懼之至

相龍衣礼三王不相洽樂者豈祖孫父子苟欲殊其業耶誠代異乎宜而時有所適不得已而然而放能功格天地道濟生人三五而來未聞有弊而不遷以之長世唐者也國家承亡階一作百字之季開累聖之業至於憲章彝典立教垂訓一作統可謂詳矣然猶倉廩未實流庸未還俗困兼并人嗟杼軸者所謂能適道矣而未能權積習之見不迴而隨時之宜未得故也臣聞漢之五葉孝武為政一廐馬二十萬疋後宮數千萬真高傳孝武取好女數千人以慎後宮萬字疑衍人外討戎夷內興宮室殫費之甚實百當今然而古費多而化負有餘今用少而才不足者何也豈非古取山澤而今取貧人執取山澤則公利厚而人歸於農取貧人則公利薄而人去其業此所以古今不一贏儉想懸故先王之作法也山海有官虞衡有職輕重有術禁法有時一則專農二則饒國濟人盛事也臣實謂當宜之夫煮芘里有言延齡無罪李充有過臣實微敢述天

殊李充覆族亡家於臣何害事關大本不敢自私延齡姦計萬殊方司邦賦必能公用財賄陰結匪人則他時之過彰聞路絕伏以貞觀遺訓曰經神心去邪謀以慰天下甚幸甚幸臣不勝懇迫之至

同前 德宗

前人

臣某言聞者陛下親授臣以直言之詔又命臣以言責之官奉職以來嘗亡死誓將忠懇上吞銛以裴言齡虧損聖德瀆乱典章逞其心欲以發黎元恣其苛刻以動搖邊鄙弄陛下爵位以公授私人盜陛下威權以誘脅忠善賢愚注耳朝野同辭臣固不敢飾其繁文再擾聰明所以晝夜咸憤不能自寧者以陛下執行賞之柄不借在人延齡後詠公行曾不為念伏見去年十一月五日勅度支計管李玘配流潘州張勳配流崖州仍各决

六十斯則延齡自快怒心曲遂其扶陛下聽之以誠謂為當奉
峻其所罷用直群司罪名及加寃聲大振陛下深鑒其事詔命
中留曹不旬朝馳聞海內使遠方人之疑陛下明有所擁令無
必行奸以陷君孰任其咎儻二人獨決廷令之乎死不得言化
理之失豈不重乎陛下常以登聞之鼓置之于庭必欲人情織
微不滯於外此來或事繫度之御寃上訴皆不即驗問盡付延
齡縲囚衣冠攘奪孤賤身不足償其怒家無以應其求怨痛內
絨誰與為理矧繳盈路動而見拘咫尺天門不敢上訴延齡之
威益熾瘦人之苦日深陛下延齡必以為賢言者皆妄不若明
白其罪昭示萬方便延齡辜之何害儻兇惡滋蔓鬱於人心決
之不時所傷豈細臣實寒心銷肉用是為憂伏惟俯降聖情召
臣聞海鹽採山鑄金伐木為室者豐餘之輦也寒而無衣為飢
而無食庸貧自資者窮苦之流也若能求山海厚利奪農餘之
人輕調僮役寃窮苦之子所謂損有餘而益不足常王之道可
不然乎臣願陛下詔鹽鐵木等官收其利貨買遷於人則及數
年府有餘儲矣然後下寬大之令蠲窮獨之僮可以惠群生可
以柔荒服討百蠻不憂千金之費懷萬國自有三錫之饒雖戎
狄降附堯湯水旱無足虞也如此則成康刑措而頌聲作臣愚
易之臣聞可與守一作樂成而難與憲始者常情是也陛下若允臣
愚計便付有司則恐由習常就之無日伏請付中書門不令妙
擇才幹委以使專則愚臣所獻禪萬一奉天適變惟在陛下行之
之

為田神玉謝不許赴都護喪表

此篇當在五百九十七卷喪葬門今已移入姑存其目

論裴延齡表 德宗

元積

按陸贄貞元十年貶元慎元和元年除拾遺相去十一年二表決非積作集亦無之

臣某言臣昨二十五日宰臣伏宣聖旨以陸贄貶官罪狀不可書於詔命陛下慈仁愛人恩宥愚直仍令後月祈見得以上聞臣忝職諫司不勝大幸臣等前所上表言陸贄等得罪之由起於總構此皆延齡每自昌言以美威寵及奉宣示姦詐乃明陸贄又在禁垣復典樞要今之譴責固出聖衷竊以李克勵志卹人勤身奉職惠愛之化洽於細微頃以公事之間與延齡相敵未貶之月延齡亦以語人總構之端羣情是惑臣聞大臣之體出於總構安可持密勿之言為忿怒之柄朝廷側目遠迎挫心百官素不能親附言令者屏氣私門不知自保陛下聖德下照物無所遺豈獨厚於一夫而乃薄於天下伏惟發誠謹中官備

問問狀有一非據罪在面欺臣不勝迫切之至

論追制表

憲宗

元積

臣某言臣聞令必行於下者集作必於行之者信也今苟不信患莫大

焉今陛下初臨寓內務切黎元至於牧守字人之官所宜詳擇

苟未得人不當虛授苟或任使不可屢遷臣竊見近除寧州刺

史論係虔州刺史高弘本通州刺史豆盧靖曾不涉旬並已追制

又以杜蕪蘇州刺史行未半途復改即署臣不知誰請於陛下

而授之誰請於陛下而追之追之是則授之非授之事則追之

非以非為是者罰必加然後人不敢輕其奉以是為非者罪必

及然後不下者用其私此先王所以不令而今從不言而人信

豈異事哉率是道也今陛下如綸之令朝降及汗之詔夕施紛

紘紘無所歸各臣竊恐陛下之令未能取信於朝廷而况取

信於天下乎臣伏願陛下徵舉者之詞察追者之請若舉者之詞直則請而追之者不得無過若追者之理勝則舉而授之者不得無辜罰賞是非所宜明當况陛下肇臨黎庶教化惟新誥令之間四方所仰小有得失天下必聞臣實庸愚謬居諫列職當言責不敢偷安苟有所補集作裨萬死無恨無任愚迫懇款之至謹詣東上閣門奉表以聞

諫請不用奸臣表

穆宗

裴度

臣度言臣聞主聖臣直今既遇聖主輒為直臣上荅殊私下塞群望一作諂誓除國蠹無以家為為獻替之可行何性命之足惜臣某謝中伏惟文武孝德皇帝陛下纂一作恭承丕業光啓雄圖方殄頑人之風以立太平之事而逆豎搆亂震驚山東奸臣作朋撓亂集作敗國政陛下欲掃蕩幽鎮先宜肅清朝廷何者為患有

大小議事有先後河朔逆賊只亂山東禁閣奸臣必亂天下是則河朔患小禁閣患大小者臣等與諸道戒臣必能剪滅大者非陛下制非陛下覺悟無計驅除今文武百寮中外萬品有心者無不憤忿集作怨有口者無不咨嗟直以威權方重獎用方深有所畏避集作忌不敢抵觸恐事未行而禍已及不為國計且為身計一作謀耳臣北者猶懷一作思隱忍不願發明一則以罪惡如山怨謗如雷伏科聖君一作思必自誅殛一則以四方無事萬樞且過紀綱潛壞賄賂公行待一作候其買盈必自顛覆今屬凶徒擾攘宸衷憂軫凡有制命繫一作計於安危痛此奸臣一作邪恣其欺罔于亂聖略非止一途又與輸苑近一作舊臣結為朋黨集作黨與陛下聽其所說則心訪於近臣不知近臣以先一作稽計會更迭和蔽惑聰明所以臣自兵興以來所陳章疏皆是至切一作要切所

奉集作書詔多有參差蒙一作陛下悉寄之意不輕被奸臣抑

損之事不少臣所與一作倭倖亦無儲嫌祇是作者臣請乘

傳詣闕面陳戎事奸臣之黨一作最所畏懼知臣若到御座之

前必能悉數其罪一作以此百計止臣此行臣又請領兵齊衆

一作逐便討賊一作奸臣之黨尤所一作阻礙恐臣統率諸道

或有成功進退皆受霸率集作意見悉遭杜一作塞復恐三人

險狡集作州行營拖拽日月但欲集作令臣失所臣無成則天

下理亂山東勝負悉不顧矣為臣事君一至於或遣蔚集作復

共一作同辭合刀或令兩道招撫逗留旬時此且陛下前後左右良

至多亦有熟會典章亦有飽諳師族足得任使何獨斯人以臣

愚見若朝中姦臣盡去則何北逆賊不謝而去平若朝中奸臣

一作在則河朔逆賊雖平益一作臣伏讀國史知集作代宗

廟之朝蕃戎侵軼直至畿甸一作代宗不知蓋被程元振壅

一作蔽幾危社稷當時抑伉乃太常一博士耳猶抗歸罪為國除

害今臣所任蕪物將相豈可坐觀兇邪有曠日月臣不勝感恩

一作嫉惡之至謹附中使趙奉國奉表以聞儻陛下未甚信臣一作

忠信猶惑奸黨伏乞出臣此表今三事大夫於百寮集議彼不

受責臣合伏辜天鑿孔集作明照臣肝血但得天下之人知臣

不負陛下則臣雖死之日猶生之年

一作皆舊唐書本傳

第二表集作狀 前人

臣某言臣聞木有蠹其木必壞國有奸臣其國必亂伏以前件

人為蠹為奸欺下罔上百辟卿士莫不知名集作指若不甯逐

必為患難陛下雖一作時追悔亦恐無及臣所以奮不顧身舉

明罪惡其第一表第二狀伏恐聖意含弘留中不行臣謹再寫
重進伏乞聖恩宣出令文武百官於朝堂集議必以臣表狀虛
謬抵誤其倖伏望更加譴責以謝私簡元積如弘簡積等實為
朋黨實蔽聖聰實是奸邪實作威福伏望議事定刑以謝天下
臣今將赴行營誓除集作兇寇而憂心在腹不在四支憂在朝
堂一作不在河朔伏感諸葛亮出師之時上表言事猶以宮中
府中不宜集作同異科犯為善為惡請申刑賞臣才雖不逮諸
葛亮心有慕於古人昧死聞天伏紙流汗

同前

白居易

臣某言臣聞主聖臣忠聖主既明輒獻至忠之誠上理國之典
下去邪之疑伏望陛下納臣之諫則海隅蒼生兵屯咸偃無大
臣之諫則國必敗有大臣之謙國必安非疑元積之憊其事有

實亦不虛矣矯詐亂邪實元積之過朝臣俱惡鄉士同冤裴度
論儀之謀陛下已令將度之動一不允所請理已為乖今陛下
含忍不為竄逐處之台司同議國典天下人心無不惶戰何執
元積之言居度散司之職且同議裴度令功業今代一人卿侯
士庶無不同惜今天下欽度者多奉積者少陛下不念其功何
忍信其奸臣之論况裴度有平蔡之功元積有囂軒之過東都
留守即清閑大之功不合居於散地伏望陛下聖照明無矯言
伏乞追裴度別議寵崇臣素與元積志一作交不欲發明伏以
大臣沉屈不利於國方斷往日之交以存國章之政臣等職當
諫列不敢不奏謹奉表以聞無任兢追戰切之極瞻望迴恩天
下同慶云云

元白交分始終不替方元傾裴時白不在諫列文

不應集固無之

夔州論利害表

劉禹錫

臣某言伏準元和十二年四月十八日勅諸州刺史如有利害
 可言者不恨時鄙任仁上表聞奏者臣伏見貞觀中詔許羣臣
 各上書言利便馬周時一布衣遂因中郎將常獻策二十餘事
 太宗深其之盡行其言擢周為御史行一有裏至龍朔壁州刺史
 鄧弘慶進平索看精四字堪為酒令高宗嘉之亦其言迂弘慶
 為郎州刺史則知苟有所見雖布衣之賤遠守之微亦可施用
 况臣早受君恩德宗朝忝為御史建今歷事四聖集作朝頗領藩
 條當陛下至明之時是微臣竭節之日伏以守在邊郡不敢廣
 有所陳謹準勅上利害及當州公務各具別奏集作以聞伏乞聖
 慈俯賜昭鑒無任

論利害表

臣某言伏準今年正月五日德音宜令諸道觀察使刺史各具
 當處利害附驛以聞者伏惟皇帝陛下睿哲自天續承列聖善
 述先志發揚德音率土人臣不慶幸臣虔奉詔書宣示蒸黎伏
 以華夏不同土宜各異詳求利病謹具奏聞伏乞聖慈俯賜昭
 鑒臣伏竊國史竊見開元十八年朝集至京師玄宗臨軒親問
 利害州刺時宣史裴擢卿上便宜事論轉運甚詳竟不行下至
 二十一年輝卿為京兆尹再以前事奏論方見允納比及三年
 遭運七百萬石背脚三十餘萬貫當擢卿前不見納必有人非
 之及後數年得集作方展其効臣僻守遠僻敢望言行抵奉詔書
 或異萬一狀惟明主擇之無任
 為濮陽公論皇太子表
 李商隱

臣某言今月某日得本道進奏院狀報今月六日宰臣鄭某等率三省官屬入論皇太子事者褫魄疆場馳魂輦轂莫知本末伏用驚惶臣某謝中臣聞禮贊元良易標明兩是司上堯以奉宗祧華夏式瞻邦家大本自昔質文或異步驟雖殊既立之以賢則輔之有道北宮養德東序承榮集勞作非務近正人用光繼體周之周公為太傅太公為太師漢則疎氏二賢南山四老內揚孝道外盡忠規猶在去彼猜嫌辦其疑是不由微細輕致動搖乃得守三十代之丕國延四百年之景祚者於史冊煥若丹青伏惟皇帝陛下道冠百王功高三古事窺化本謀洞機先皇太子自正位春坊傳輝望苑陛下旁延雋乂以贊溫文並學探泉源氣厭浮競嗜魚不進求玦莫莪有玉褒之獻箴無下蘭之奉則令綴粗垂眷旨微慙聖心當以猶屬妙齡未加元服或携徒御

時縱一作逸遊樂野夏儲亦嘗觀舞南皮魏副屢見飛觴陛下

濬發慈仁殷勤指教稍踰規戒即震威靈雖伐木折薪必循其

理而遊梁發笏亦有可虞抑臣又聞父子於之也有嚴訓而無

責善君之於臣有也掩惡而復錄功故得各務日新並從夕改

同寘子集作于道不傷其慈儻犯在斯須便遺天下過當造次遽

抵國章則以古以今孰為今子在朝在野誰曰全臣虛奉之微

集作至言失不貳之深旨伏以集作惟陛下倖覆育天地霽赫怒於

雷霆復許省勵宮闈卑謝師傳蹈殊休於列聖慰欽矚於兆人

臣才則荒涼志惟朴駸因緣伐業蒙被官榮竊諸侯之士田嶺

大將之旗鼓當車折檻合首他人瀝膽刺心正當今日而名非

朝籍務切軍機道阻且躋佇立以泣龍樓獻直戴直達之辭翰

箋聞鳳闕拜章張儼之精誠未泯干宸極無任預涕祈思之至

謹差某官奉哀陳論以聞

劉寬

臣某言臣生逢昌運謬列班行官為御史職舉事蓋髮始壯名籍已至臣至在致微誠為多幸所以愛惜朝廷宗廟之意與元老大臣不殊臣昨遇郊禋得陪盛禮見執事者說陛下饗獻太廟至穆宗皇帝第九室跪起嗚咽感動神人臣不覺涕知陛下孝德可以化天下矣又至圖立觀陛下升降嚴恭之禮不覺手足舞蹈知陛下誠敬可以達神明矣如饗者類事非根於生廩知於天授固非一朝一夕之所能致推是而論則三皇之德必可侔五帝之業不足跂洎車駕即路臣實先馳至丹鳳門南禮物億且忽聞傳說云適有白身數十人於鷄竿下奪囚崔發亂打致死有司救止力不能禁兵伏紛紜僅以格戟瓦礫文下傍

中朝臣臣不勝驚痛蓋惜其無知毀損聖德也如此崔發為縣今有事疑當之罪抵朝廷之法有不赦之科斷自宸衷實諸刑典則可矣豈得下人肆意駭憾一時紊亂網紀敗失國體豈可使縱咨漸隳儻陛下欲杜將來之萌絕編黨之說俾罪人斯得正是刑名則太平之業日益崇矣臣又以為今日搆扇人數至多若盡加誅恐非忠典苟捨而不問實蠹大猷以臣愚見莫若勅左右軍使尋求首謀一二十輩下明詔以示海內知人臣無專殺之文乘問之謀不敢萌貯廢無私之德與日月盡明又伏聆今月赦書求理至切今命一作諫臣論事遣憲史執法乘輿服御志在抑損又以見陛下尊禹湯之旨同堯舜之求臣為耳目若有所聞而不上啓是臣負陛下之深也焉敢不言勝悽懇切之至

為賢崔相公論京兆除授表

錢珣

臣某言今日某日伏奉密詔具審旨欲以某官鄭捕授京兆尹
令臣進擬來者出自宸衷敢言違詔事非允當合且奏聞伏以
三輔之雄京兆居首王畿之理專制甚難歷代重官當今急北
者任用多是丞郎給舍有才之人或藩方善政之師宣宗皇帝
求理之切常輟翰林李士常渙授以此官今陛下固合且命中
書令其公選苟或未和即可改張鄭某自守疑周行頗聞靜守
當官莅職亦極恪勤量材則可以序遷進善則無妨獎勵至於
闕中戶口本貫京師毅下威權莫先且正畿甸之內諸鎮甚多
都城之間萬戶來會責辨則供須極衆整肅則彈壓且殷鄭浦
入仕之初曾為鹽州軍事判官幸守章程粗成勞績因茲除會
遂列朝班物望固輕楊歷未久儻以此官除授必當不叶群情

向者嗣薛王柔以宗室大臣久兼秩事功已著忽領方宜以浦
代之恐失所稱浦既乏公望又匪異材遠達宸聰必因薦導失
舉之誤所繫非輕臣知柔出藩便憂京之任蓋二十四縣無不
凋殘况屬今秋又罹兵火鄉閭劫殺尚且未安軍鎮侵陵北常
多事賦輸之際撫緝尤難頃自黃巢犯關災患相繼京畿百姓
傷死固多今所保全皆由自備凡為兵器無不家藏冠屨設寨
依山事已則還鄉力穡可耕可戰自是精兵今近鎮多彊不為
無事徵外藩騎卒朝廷又乏軍糧貶者娼狂兼為患禍每深戒
不可遽忘實任京尹之權兼須武略不准便於政理亦要妨於
艱虞臣請便言冀舍眷等竊見某官李鋌一作鋌下同兩朝宿將久
立茂勳頗威名彰於委寄衆情甚洽公論多推授以尹京必能
通濟京畿制置兼以命之有權則可抑豪強用武則可清奸盜

圖安之本全在京都備患之先無加軍旅鋌之材備得以惣臨
畿內戶人累經賊寇農收之暇訓練不難鄉閭自強侵擾固息
無事則各營耕稼有慮則便執干戈不暇饋糧又非失業既安
必集就便不煩况目下京都未能安堵速須制置安得因循非
李鋌不可委任事惟堵一作者重難尋已參詳外度人情內思便悉
且如此方敢陳論伏乞聖明靜賜眷循一作覽以探戶難理之事
思當今姦弊之初用非材無望之人可以制探於此若他時不
濟何以謀安雖欲用典罪之固亦無救於患且李鋌與臣無素
分鄭浦於臣無宿嫌與奪之間公當而已切於此事尋欲兼候
奏間便屬忽患瘡痍不離枕席雖潰穴尚有本根固極虛羸且
須理寢食敢忘於機務敷陳又隔於天顏遂敢直奉牋毫粗達
肝膈伏以及正之新致理乃急有犯無隱臣心合罄於此時從
善如流聖政宜先於大者甚難甚切不敢不論伏以眷斷精明
臣等常切感怍今茲論茲實冀允從當或未察愚衷臣實不敢
奉詔于冒宸宸臣某無任惶恐迫切之至

文苑英華卷第六百二十五

登仕郎胡

柯

鄉貢進士彭

叔夏校正

文苑英華卷第六百二十六

表七十四

遺表

遺表一首

為王尚書遺表一首

權文公遺表一首

為昭義李相公作遺表一首

代濮射濮陽公遺表一首

代彭陽公遺表一首

代安平公遺表一首

遺表

房玄齡

臣聞兵惡不戢武遺止戈當今聖化所覃無遠不洎一作留上古

所不能臣者陛下皆能臣之所不制者皆能制之詳觀今古為

中國患害者無過一作如突厥遂能坐運神策不設一作下殿堂大

小可汗相次東手分典禁衛執戟行聞其後延陀鷓張尋就夷

戮一作滅鐵勒慕義請直州縣沙漠以北萬里無塵至如高昌叛

換於流沙吐軍首鼠於積石編師薄代俱從平蕩高麗歷代通
誅莫能討一作陛下責其逆亂殺一作主虐人親恣六軍問罪

遼碣未經旬日即拔遼東前後虜獲數十萬計分配諸州無處
不滿雪往代之宿恥掩崑陵之古骨比功校德萬倍於古一作

此聖主一作心之所自和微臣安敢備說且陛下仁風被於率土
孝德彰於配天親夷狄之將亡則指期周一作歲授將帥之節

度則決機萬里屈指而推一作驛視景而望書符應若神笑無
遺策擢將於行伍之中取士於凡庸之末遠夷單使一見不忘

小臣之名未嘗再問箭穿七札弓貫六鈞加以留情墳典屬意
篇章一作筆一作連鍾而詞一作窮班馬文鋒既振則宮徵一作則自

諧輕毫暫飛則花蔕競奔無萬姓以慈惠遇群臣有一作禮法
褒毫髮一作秋毫一作之善解喬丹之網逆耳之諫必聽膚受之訴斯絕

奸生之德禁障塞於江湖惡殺之仁息鼓刀於屠肆鳧鶴一作
荷稻梁之惠犬馬蒙帷蓋之恩降乘吮思摩之瘡登堂臨魏徵

之樞哭戰亡之卒則動懷六軍負填道之薪則精感天地熏點
黎之犬命特盡於心庶獄臣心職昏憤豈足論聖功之深遠談

天德之高大哉陛下兼衆美而有之摩不備且微臣深為陛下
惜之重愛之實之周易曰知進而不知存退而知不知亡知得

而不知喪又曰知進退存亡不失其正者其微聖人乎由此言
之進者一作退之義者一作亡之機得者一作喪之理老臣所

以為陛下惜之者蓋為此一作也老子曰知足不辱知止不殆
謂陛下威名功德亦可足矣拓地一作開疆亦可止矣彼高麗者

邊夷賤類不足待以仁義不可責以常礼古來以魚鱉畜之且
從關略若必款絕其種類深恐默窮則博且陛下每決一死因

必令三覆五奏進素飡停音樂者蓋以人命所重感動聖慈也
况今兵士之徒無益罪戾無故驅之於城一作行陳之間委之於
刃之下使肝腦塗地魂魄無歸令其老父英華作非孤兒寡妻慈
母望轎車而掩泣抱枯骨而一作以摧心足以變動陰陽感和氣
實天地一作下之寃痛也且兵一作者凶器戰一作者危事不得已而
用之向使高麗遣失臣節而陛下誅之可也侵擾百姓而陛下
滅之可也久長能為中國患而陛下除之可也有一於此雖日
殺萬夫不足為愧今無此三條坐煩中國內為舊王雪怨外為
新羅報讎豈非所存者小所損者大願陛下遵皇祖老子知一作止
足之誠以保萬代魏亡之名發齋然之恩隆寬大之詔順陽春
以布澤許高麗以薪自焚陵波之船羅應募之衆自然華夷慶
賴遠肅迓安臣老病三公旦夕入地所恨竟無塵露少一作微增

海岳謹述一作整殘魂餘息預代結草之誠儻蒙錄此哀鳴即臣
死且不朽

一作皆舊唐書本傳

為王尚書遺表

王行先

臣聞死生者天地之常數忠孝者臣子之本心具孝未立於家
忠未報於國而桑榆遽迫風燭俄驚雖修短之分偶然而古今
之嘆一也臣受性頑疎於昧聶理常服石乳頰歷歲年始自去
冬微覺發動皇慈軫念眷渥旁流特賜祕方兼傳惡訣王人荐
至駟騎載馳竊見聖心密聞天語方驗君臣之樂族知瞑眩之
功碎首微軀無階上荅將謂載安營魄更長皮膚得霑雨之慈
可述犬馬之命不悟才微任重福過災生從此月十二日已後
舊疾再發氣緒羸憊心慮沉綿徒加樂餌竟未瘳損自三十二

日已後轉竟危憊生意寂寥視陰恐盡渴日不足臣自揣度必
難保全雖覆載所容亭育之恩至廣且鬼神不捨膏旨之計已
成永辭明聖憂在漏刻臣自荷深思謬居方鎮三承寵命六變
星霜撫俗臨戎幸無敵闕此皆陛下聖謨弘貸玄貺昭宣誓欲
乘此遭逢火施勞効使千載之後知聖伐有守土之臣焉求懷
塲僕之移闕常念子牟之戀闕是以仍歲抗表備述誠瞻望軒
墀輦獲朝覲儻丹誠曲遂玄鑒俯從則臣此生沒齒無恨豈意
隱慝為咎至誠不通徒一作知生也有涯何遠死之將至行潦
微波望朝宗而先竭哀揚弱質待歲寒而已凋無由假魯陽之
戈空相結杜回之章伏惟聖念俯察衰懷仰天無聲伏表流涕
無任感戀戲款之至

權文公遺表

臣某言生逢聖時獲事陛下以臣慙朴一作備位將相幸免罪
戾實無裨補福過生二年已來脚疾痺緩近自旬日咽喉氣痛
漸就危憊慮不支特求辭聖明涕流嗚咽伏惟皇陛下繼十一
年業休運承二百年景祚平吳定蜀掃蕩淮夷巍巍功德於天
地準今蹤有疥癬不足平夷伏惟以愷悌之仁強寬大之本為
九州自愛使萬古同福則臣岩冥之下同生物受賜無任感恩
攀戀悲激之至

伐僕射濮陽公遺表

李商隱

臣某言臣聞蝼蟻知雨雖通感於玄天蒲柳望秋必凋華於厚
夜况臣攝生寡要將命無寒暑煩侵精神坐竭皂之傳薪之大
餘焰幾何隙無番影之駒殘考即盡叩心戀闕忍死集作封章
叫白日而不迴望青天而永訣臣某中謝臣雖忝望族本實將家

自先物邪忻遇大國靜無師旅被服元侃翱翔盛時遂與季弟
叅元俱以詞場就貢人而不調因以上書自薦求通于時願士
芸香作吏始筮仕於德宗瑞節臨戎復分憂于陛下雖性分有
限有忠誠不移磨一作固無韓彭為將之能實趙竇散財之義兩
踰嶺嶠四連牙旌約已潔身絕甘分火良田五頃慮莫及於子
孫厚祿萬種惠頗霑於賓客恭承詔命以守藩條而掌事者徒
以元和中呂元膺留守東都李師古潛謀洛邑託以郡邸入之
申兵臣當時為元膺賓僚值師古竊發藍衫不脫竹簡仍持因
為摩兵虜其渠帥遂以將材相去戎統見期頤頑遐途遷脩舊
服光陰荏苒迂授類仍昨者分領許昌兼臨河內當上當阻兵
之始是孽童拒詔之初臣方將奮勵疲駑指揮精銳所冀解鞍
赤狄息駕晉城大攘蜂蠆之郡以雪人神之憤自前月某日後

軍聲大振賊勢稍衰人一其心士百其勇鶩領有相曾無定遠

之期馬革裹尸實負伏波之願而精誠靡著素志集作見遠援

抱之意方豎就木期俄及忽自今月某日疾生腹藏弊及筋骸

藥劑之功擊愈深神理之禱祠無益固以騰名鬼錄收氣人寰

復燃無望於死灰更起難同於朴樹然臣素窺長者曾慕達人

省於變化之端粗識死生之理豈其有貪富貴敢冀延長但以

未報國恩未誅賊黨視胃長克對予莫孝思犬馬以自悲悼集作

坦鍾漏之先迫志有所在傷如之何撫節而乏淚以羗伏歿而

無血可賂臣某中謝其竹營三軍已舉牒差某官某河陽留務

差某官懷州留務差某官某訖並皆授之方略各有司存至於

集作旬時必無逗遛臣又伏思任司農大卿之日授忠武統帥

之日紫殿承恩彤庭人對躬瞻堯日親沐舜獲覩陛下神武之

姿獲開陛下憂勤之旨即此番小冠東土微妖集作戎亦可足煩
陛下之甲兵汙陛下之鉄鎮伏望時推明畧光闡睿圖內則伏
德裕讓夷紳絃之嘉謨外則任彥佐父達宰汚之威力廊清華
夏昭薦祖宗然後瘞玉勤成錢金垂烈臣十雖百死復何恨焉
臣精爽已虧言辭失次氣無復續蒙以續而莫勝口不能言飯
用具而何益故園集作國千里明君萬年將未覆載之恩長入幽
冥之路殘魂不昧雖温序之恩歸枯骨有知過杜回而必抗迴
望聖集作昭代哀號不能無任荒悒攀恋之至

代彭陽公遺表

前人

臣某言臣聞達士格言以生為逆旅古者垂訓謂死為歸人苟
得其終何坦於死臣亦惟際會獲偶昇平鍾鼎之勲莫彰風露
之姿先盡雖無迓大數亦有負清朝今則率續陳詞對棺忍死

白日莫分玄夜何長淚兼血垂目與魂

集作雲

斷臣某中謝臣早緣

儒得學廁人曹克紹家聲虧士行詞賦貢名於宗伯書檄應聘
於諸侯東泛西浮南登北走時推騎馬人或薦椎西掖承榮得
以言之無罪曲臺備位粗明物有其官允謂才難便叨即選振
衣革脊履歷名曹高步內庭光揚密命憲宗皇帝以臣行多餘
力忠絕他賜進無所因靜以有立過蒙顧問深降褒稱乃於同
列之中獨許非常之拜殊恩既浹當路排排旅翻未高孤根已
動河潼為郡盟津統師溺以待援痿而念起憲皇旁集作講末輔
相即記姓名果遺急微仍加大用戴君之力雖若許國之誠在
茲實有微衷可禪玄化况初誅叛務活疲羸方伏奏於鳳宸之
前忽厄徒於鳥耕之次小吏抵罪邪臣結謀指之有名默不得
訴空耳罪戾仰託聖明粗得生還幾臨死所其後官移賓護四

年不竭於承華任故察兼一日暫留於分陝故奉而墜將安更
危賴敬宗皇帝續乃丕圖是思求舊振於洛宅榮彼夷門自尔
已來敢虛其遇周旋五紀鎮守淮切分憂前後兩歸闕庭皆非
久次拙宜不同於衆詭毀每集其躬舍易未宣救過不暇伏思
自長慶厥後開成之前凡幾忝遷升機遭退斥若非不欺天地
不負君親至於機微尋合顛殞伏惟皇帝陛下道超覆載仁極照
既委銅鹽又分端揆建令控壓亦在重難陛下之恩微臣何益
微臣之節陛下方知與言及斯碎首殊晚然臣縱心之年已至
致政之禮黃華作宜遵尋款拜章以求歸老伏以諸道節制類
歲更移其於送迎例多債累臣在此雖無一毫侵損亦無纖芥
集作介誅求而帑藏甚殷倉儲有羨特緣行李忍過秋冬而江山
之氣候難常蒲柳之蕭哀易見自夏則滕脰無力入冬則集作

腸不胃調對冠冕而始訝儻來指墓而已知息處昨令月八日

臣已召男國墳子傅士緒在補闕絢左武衛兵曹參軍論等示

以歿朝遺之理命使內則雍和私室外則竭公家兼約其送

終務遵儉約集作所勿為從俗以至慮居至十二日夜有僕夫

告臣六又星隕地雅當正室洞照一庭臣即端坐俟時正辭無

撓臣之年臣之年亦極矣臣之榮亦足矣以祖以父皆蒙褒寵

有弟有子並列班行金署領以從前人歸體魄以事先帝此不

自達誠為甚惡但以將掩泉扁不得重辭雲陞重集作陳尸諫

猶進瞽言雖叫呼而不能豈誠明之敢忘伏惟皇帝陛下春秋

鼎盛華夏鏡清是修教化之初是復理安之始自前年以來

譴者至多誅戮者不少伏望普加鴻造稍霽皇威沒者昭洗以

雲雷存者沾霈以雨露自然五稼嘉孰兆人樂康用臣將盡之

苦言慰臣求藝之幽魄臣某云云臣當道兵馬以差監軍使實
升乘勾當其部留務差行軍司馬趙祝觀察留務差部度判官
杜勝訖有舊規模無新革易集作必當輯睦決無誼驚臣心雖
登定氣已危促辭多逾切鳴急更哀升屋而三號豈未赴壑而
一去無返忠誠直道竟埋沒於外藩腐骨枯骸空歸全於故國
迴望昭武無任攀戀未訣之至謹奉表代辭以聞臣某誠號集作哀
誠咽頓首頓首

代安平公遺表

前人

臣某言臣聞風葉露華榮落之姿河定夏朝冬日短長數難移
臣幸屬昌期謬登貴位集作任行年五十五歷官二十三念大馬
之常期死亦大柰君親之後施生以無酬是以時及含珠命餘
屬續心猶向闕手尚封章撫躬而氣奄然志生而方寸亂矣臣

某中謝臣少而羈屑長乃遭逢常將直道而行實以明經入仕
王畿作吏非州縣之職徒勞侯國從知愧軍旅之事未學憲宗
皇帝謂臣剛決擢以憲司穆宗皇帝謂臣材能登之即選忝霜
威而無所權拉歷皇紀集作切而有素次躔旅屬皇帝陛下大
明御宇至道承軋澄沐之初臣不居有過超擢之際臣獨出常
倫高選掖垣箴規未効入居瑣闕論駁無聞自去秋來典河閔
兼陪旬服唯當靜而阜俗清以繩姦粗致豐穰幸迓逋責豈意
陛下謂臣奄有三縣未稱其能謂臣出以一麾未足為貴爰降
綸綽移之藩方錫以海隅與之嶽鎮將吾君之驍果萬計使得
愬齊聰吾君之牧伯三人以居巡屬時雖相美臣實深憂既辱
聖恩果遭鬼瞰况臣素無微恙未及大年方思高掛集作非饋
魚不燃官燭成陛下屋可封之化分陛下夫不獲之憂志願

未伸大期俄迫忽自今日十日夜暴染霍亂并兩脅氣症當時
檢驗方書煎和藥物百計療治唐一無痊除至十一日辰時轉
加困劇漸不支持想彼孤魂已逝岱嶽念茲二豎徒訪秦醫對
印執符碎心殞首人之道此命也如何深而乏力以言泣書而
無血可繼臣某誠哀誠戀頓首頓首頓首臣當道三軍將士準前使李
文悅到差監軍使元順通勾當訖臣與順通雖近同王事以備
見公才假之統臨必能和協其團練觀察兩使事差都團練巡
官盧涇勾當訖臣亦授之方略示以規模伏惟聖明不至憂軫
臣精神危促言詞爽錯行當躬塵理骨枯木容身蝼蟻不隣烏
鳶食奈黃河兩曲長安幾千生入舊閨望絕班超之精力封遺
奏痛深來歛之辭迴望昭代不勝荒悷攀戀之至謹差某奉表
代辭以聞

文苑英華卷第六百二十六

登仕郎胡

栢

鄉貢進士彭

叔夏

校正

文苑英華卷第六百二十七

賡

諫皇太子賡一首

賡一

為司徒趙國公謝皇太子寄詩賡一首

為南陽尉六舅上鄧州趙王賡一首

為皇甫中丞上王賡一首

上宰相賡一首 賀赦賡一首

皇帝冊尊號賀皇太子賡一首

賀太子知軍國賡一首

從樊漢南為鹿門孟處士求修墓賡一首

諫皇太子賡

薛元超

臣元超啟臣聞位隆載鼎居之者匪易業峻承祧守之者為重

何則天下之本屬在元良歷選前謫尋往搏伏推殿下畫堂疑
 祉幼彰岐嶷雕宮誕眷夙檀禎文大孝因心不由於外獎深仁
 植學性稟於自然故能羊膺景服式光正緒皇基永固宸構克
 昌加以識瞻機物天姿獨秀生知之量振古莫儔比者監守務
 親覽政事所閱視聽決斷如流凡在朝行僉論歸美况臣委質
 階陛齒跡宮闈恭聞喜躍實百恒品區區所望唯願盛德日新
 勵茲三善無忘四術率土倉生幸甚見去年之內數召學士等
 入討論經籍聾聾不倦此之令問播於遐邇在外聞者誰者忻
 然今夏已來接對遂簡講藝之道有謝曩時巨之事君在無隱
 敢緣茲義輟獻愚忠但臣知識庸淺未足以發明雅訓求之史
 得請楊催而言焉昔漢苑招賢高軒洞敞曹園愛客非蓋連陰
 此乃副君之待士也亦有推心鄭衆每佇於諮詢降理桓榮用

承於誨命此則副君之尊師也魏太祖征并州留太子在鄴頗
 出略獵崔季珪進而諫日繁于遊日書之所誠魯侯觀漁春秋
 譏之周孔之格言二經之明義也深惟儲副以身為寶今忽馳
 驚而陵險誠有識所以惻心惟太子燔翳捐畢魏志作以塞眾
 望太子報日昨奉嘉命廣開正路翳已壞矣畢亦去焉師傅之
 言費獲我心晉明帝之東宮中庶子温嶠中舍人劉放晉明帝
 以萬乘之貳若有駭駟之難豈可不熟念殿下縱一日之娛忘
 萬代之基凡人猶知其不可况在聖明太子答云省所陳明卿
 等動靜數示此則副君之納諫不以為嫌者也非獨一時之美
 事固亦千載之猷且思患預防著於易象樂不可極陳之礼列
 聖典謨可為龜鏡殿下昔在藩邸時以打毬為戲當此之日已

阮放為中舍人劉放乃明
 帝時人疑當作阮放 諫馬射曰臣聞千金之子猶不垂當

經墜馬近取諸身足為身深監又陛下仁孝之德聞於四海自
 車駕發後天慈許文苑內臣竊惟殿下之意既承恩旨始復出
 遊適以上副聖懷非徇盤遊之樂顧以苑園之地草極樹深絕
 磴危橋往往而有控織離之馬影踰流電擁大阿之劍氣駭奔
 星截輕禽逐後免儻有街勤之變雖悔何一作追如戶奴筆色
 非是以種或返逆之胤或破亡之餘夷狡遺醜兼在其數密計
 克謀理難懸測忽有潛身翳會侍衛不虞白龍魚服事出慮表
 臣每一思至此魂爽飛越夫為人子者不登高不臨深恐近於
 危辱也故樂正子春下堂傷足教月不出猶有憂色弟子問之
 子春曰君子跬步不敢忘孝之道是以有憂色也子春匹夫尚
 知愛其身體儲后之尊何可以不煩焉儻馬逢驚伏微致毀傷
 豈不上貽二聖之憂下乖兆人之望伏請打毬馳射深是一作

危機天后所賜誠書殷勤至切網羅今古罕得名言竊循旨要

在於彼疑作懷虛已書云山林隱逸草澤高人物萃春坊冀朝

夕設對採其臣贊廣納忠規機務之餘遊心墳籍堂襟靈於藝

圃散耳目於書林披帙橫經克勤無怠此之至誠亦何不思殿

下敦崇儒術闡揚文藝爰置學士獎拔人物應斯舉者若登龍

津莫不延頸企踵思承顧盼皆願隳肝膽露款誠布衣之交一

言相託尚有懷知己之遇衛國士之恩殿下數存接引與其切

嗟道義竭忠進善必日有異聞則玉裕弥光金聲自遠頃日時

景炎鬱不敢望以引君今高秋戒序景物一作漸涼伏乞聽政

餘閑留情墳典所讀班史請畢殘功前者別勅賜物本錄一作

殿下書進時請臨池染翰使筆力專道仍請逐月一兩度摠喚

學士因為設實文學張君相素明莊老命之談說能暢玄夙殿

下假以溫顏人各申其藝業鈎深理窟者思憤懷蛟接賓詞條
者文成吐鳳此亦一時之奇觀可以深慮怡神預在宮僚人知
自効便僻取容者疎之正直不撓者親之棄不急之務而省遊
娛絕無益之慾而敦節儉以儒墨為城池翱翔其際以禮義為
干櫓棲息其間一則遵天后誠書不敢失墜二則挹古人遺範
有所發揮豈不美欤豈不盛欤殿下君養德之辰天下屬望聰
明叡智何所不察若稍加引納實廣德音臣曲荷財濫蒙委任
雲雨之施預霑於品物立山之恩久越於涯涘懼速官謗罔冥
心靈不揆諂聞輕陳短見庶同織罟取類消矣所冀增山之高
裨海之潤臣元超頓首死罪死罪謹言

為司徒趙國公謝皇太子寄詩牋

許敬宗

無忌皇恐白內使榮楊夫人至蒙寄歎別五韻并垂示擬古一

首蹤闕玉礼炫目澄心行諷金聲式歌且稱竊惟化成天下資
繫象以導洪源躰物緣情自風騷而懸列代莫不感相祖述罕
見生知伏惟殿下摛絢紹天含章挺眷溫文表裕澡清漢於離
暉麗則疑革繹春秋於博望乃以監守餘暇俯覽清篇覽夜月
之流光降無私於遠客想懸旌之耒卷察翹心於征旆加又作
依依垂柳益愴邊城讌仁中園偏傷遠塞殊私所被文旨兼深
詞運理而叅神氣陵雲而含粹五章聞發若啓榮光之圖六律
相宣如覲奏金之字無忌幸徒神武愧乏王粲之才忝降斯文
益深吳質之戀無任載荷慶躍之至於是扣寂求音繼震方之
逸響股肝見意吐燭火之微光某頓首頓首謹言

為南陽尉大舅上鄧州趙王牋

蕭穎士

某惶恐叩頭普臧孫辰之詞日賢者急病而讓夷然則當禦悔

之權必居衝要受分憂之任不務懷安見伏判官李壽稱有教
幕府移鎮江寧聞命矍然不識其故何逆賊安祿山稱兵犯順
竊據二京王師四臨久未撲滅自河淮右轉關隴東馳詔命所
傳貢賦所集必由之徑實在荆襄朝廷以大王鎮之重矣自旌
麾至止匪令所軍嶺嶠革夷吳楚城邑公私遠邇罔有不寧賊
庭震攝莫敢南望廩左右有司謀慮未熟輕奉旋戲僻處下流
失居要害之津且出封疆之外專命之責大王何以任之或啓
寇讎之心未爭形勝之也則行李坐隔侵軼滋多安危大端不
可不慎既往之失將且將且無追上帝巡狩成都皇帝駐蹕靈
武臣子之戀大王兼之詠棠棣之詩講晨昏之禮其他逾遠胡
寧以安假使別奉絲綸猶當執奏一則逆胡聞謀許須防二則
國步艱難折衝宜近就閑樂土恐非良圖伏惟大王縱仁明苞

含光大其所以敢申謹議輕犯嚴伏望廣迓正人俯垂考覆
芟之論萬一可收不勝憂憤悃迫之至謹奉牋惶恐惶恐叩頭

上宰相牋

前人

祐甫惶恐惶恐叩頭昔諸葛孔明有言曰使一夫有尤亮之罪
也嗚呼孔明以分崩離析之時事要荒割據之主尚能恢弘王
度克廣心魚鼈或引若為己為己任千載之下以茲美談伏惟
相公乘時問生略不出世光輔興運致於冢宰自明兩作離帝
出於震發號施令無幽不達昇新之業公實贊之照嫗昭蘇孰
不有望况祐甫當遺簪墜履之列懷救蛇養雀之惠雖報恩之
分誓以終身而受疵之期亦望卒歲豈可不尽誠款匹夫不獲
而相公有孔明之憾哉祐甫天倫十人身處其季夙遭疊幾不
同存沒振提携仰於兄弟頃屬中夏覆沒幸家南遷內外相從

百有餘口長兄宰豐城間歲遭罹不淑仲姊寓吉郡周年繼以
鞠凶呱呱孤甥斬焉在疫宗兄著作自蜀來吳萬里歸復羈孤
之日新所焉依豈期積善之人昊天不吊門緒淪替山顛梁折
今茲夏末宗兄辭代顧眈眈之身巋然獨在寡弱嬰孺前必後
泣一門之中髮首相吊舍之而去必噴溝壑昔者建寅初吉麾
蓋將西徂承嘉話曲全之施不路微生訴其待年致身循國豈
惟寮屬斯在山川鬼神實以聞之奔者相公大秉化源而小人
拘牽以前命進於期無一塵一露之益顧於家有死如棄如之
患撫心自憐淚盡成血儻相公以天下為一堂也忍其向隅而
傷和氣哉所以逕迴道周欵行中止解懸之屬望在仁明藏之
而不言小人之罪也一物失所伏惟相公圖之孟秋尚熱伏惟
相公遵體起居萬福謹因洪州奏事官沁水府果毅徐冕奉牋
塵黷清標伏深灼祐甫惶恐叩頭叩頭

賀赦牋

劉禹錫見集本

使持節連州諸軍事守連州刺史劉某叩頭惶恐伏見今月一
日制書大赦天下者伏以獻歲布和皇恩遠降乾坤交泰寰宇
廓清伏惟皇太子殿下道貫元良德兼忠孝承顏拜慶榮耀古
今其取守有限不獲隨例稱賀宮庭無任欣悅之至

皇帝冊尊號賀皇太子牋

柳宗元

宗元惶恐伏言奉六月七日制元和聖文神武法天應道皇帝
光受尊集作號率土臣子歡呼無際集作歡無涯伏惟皇太子殿下
麗正居中輔成昌運削伏沴孽贊揚輝光鴻名載集作升大慶
周洽表文武之經緯者天道之運行瑞景昭集作臨知重輪之
發輝集作恩救下濟見少海之增潤其忝守遐方獲聞盛不任

杵躍之至

大千集作倍萬恒情謹附賤賀
躍踴之至元惶恐死罪死罪

賀太子知軍國牋

見五百五十七卷

令孤楚

廡出人符載頓首頓首死罪夫仁義揚顯朗德之充也惠慈被
幽昧之原也竊見故鹿門孟處士浩然納靈舍粹伏儒傑立文
寶貴重價吞連城一旦殞落門胤陵蔑一作墳
在羨如于嗟立隴頽陷
荒圃形或異斧高不及隱永懷人善人行路慨然前日辨覺佛
寺規首亭恭覩明公垂意拳將墓文表隧封起窀穸闔境播紳
警聞嘉聲風動輿感偕至踴躍然垂休務當時從善貴流金閤
下外迫軍旅程使之劇內勞賓客俯仰之勤牽耗星歲未遑指
顧常恐旦夕飛踐廓廟綿纏深旨鬱紆不馮則處士之風流精
爽沉翳厚他矣或好事乘而射之孤負夙志矣伏惟閣下醇仁
盛德覆乎草木除惡彰善發於鄉黨一作
影響割者庶務凝神剝刻
眇昧官屬望則疑士林之翹翹慰羈魂之冥冥事關教化不主
名譽伏惟念慮之始終之幸甚幸甚

文苑英華卷第六百二十七

登仕郎胡

柯

鄉貢進士彭

叔夏

校正

文苑英華卷第六百二十八

狀一

謝恩一

為李卿謝三品狀一首

代鄭相公謝賜戟狀一首

謝官告狀二首

謝賜告身等狀四首

為侍郎汝南公華州謝加階狀一首

謝譴讓狀一首

謝口勅放三司推問狀一首

為濮陽公謝罰俸一首

為李卿謝三品

苑咸

伏奉今月恩制特換

一作授

臣三品恩出非常罔知所措臣以薄

劣久忝班榮幸以地籍宗枝遂得位參卿寺常憂踰分叅於正
名豈臣灰粉所能答效自殊稱及宿疾賴除既承七命之貴更
荷再生之澤才輕遇重以榮以憂又先承聖恩賜臣藥酒自蒙

救療自覺痊平但以微虛未堪趨伏拜恩閭巷喜懼難勝馳心
闕庭較荷文集無任惶悚之至

代鄭相公謝賜戟狀

呂溫

門戟十二竿右今日中使某乞至私弟奉宣聖旨賜臣前件戟
者臣伏以國朝之制名器尤慎吏考三十始秩銀責戟勳十乃
二號柱國必資且美方賜集作錫殊榮於有命服以朝加戟于戶
將勸勞而責實亦馭貴而崇右上無謬思下不虛受臣迹非奇
致擢自諸生先皇以庶謹賜知密勿踰於一紀陛下以勤憂過
聽委遇首於群僚叨據樞衡亟星歲霄庭用武曾無犬馬之勞
日月垂文豈有螢燭之助徒以待祠清廟拜舞集作壽鴻名累逢
慶賚集作類驟假勳秩禮異其數物盛其容新其閑賜之榮戟衡
門燕雀乍相賀於楹武庫龍蛇忽追飛於陋巷焜耀當代寵靈

自天聚族知慙殺身匪報無任荷懼屏營之至謹奉狀陳謝以
聞

此篇五百八十三卷表重出今已削去

謝官告狀

白居易

新授將仕郎守左拾遺翰林學士臣白居易

新授朝議郎守尚書庫部員外郎翰林學士

雲騎尉臣崔羣

右臣等伏奉恩制除前件官今日守謙奉宣進止集作喜特加慰

諭并賜告身者聖慈曲被寵命猥加俯以拜恩跪而受賜蹈舞

離次驚惶失圖伏以即史諫官古今所重位當辰集作星象職在

箴規皆須聞集作問望清方行實端慤然可以佐彌綸於草奏集作味

能正其詞盡獻納於芻言必直其節苟輕所選實忝厥官臣等

李識庸虛才質愚懦自居近職忝冒已深况超擢榮班慙惶變
至初授殊常之寵聞實若驚再思難報之恩感而欲泣唯當奮
勵駑鈍補捨闕遺中誓赤誠上酬玄造俯伏愧畏集作憂愧若無所
容無任感恩兢惕之至謹奉狀陳謝以聞謹奏

同前

前人

新授京兆府戶曹叅軍翰林李士臣白居易

古奉伏恩制除臣前件官今日守謙奉宣聖旨特加慰諭兼賜
告身者俯樓集作偃拜恩怵惕受命戰越跼躅驚惶失容蹈舞屏
營不知所據臣叨居近職已涉四年自顧庸昧無神明聖臣忝
歲久憂慙日深况於官之集作間豈敢有所選則但以位卑俸薄家
貧親老闕甘馨之費病之藥石之資人子之心有所不足非蒙
聖念難許陳情敢望天慈集作恩遠從所欲况前件官位望雖小

俸料則集作補優臣今得之勝得貴位此皆皇集作聖明俯察玄造
曲成念臣為子之心集作誠賜臣及親之祿臣所以撫心知愧因
事吐誠烏鳥私情得盡歡於展卷犬馬微力誓效死以酬恩榮
幸不止於一身感戴實深於萬無任荷抃躍之至

謝恩賜告身衣服并借馬狀

元積

右恭倫重晏至奉宣恩旨授臣前件官并告身衣服疋帛及借
馬者忽降天書乍乘雲驥頒衣煥目賁帛盈庭皆非朽陋之才
宜受光揚之賜微臣無任抃躍慙惶之至况臣素守集作性本疎愚
宜集作素無黨去年陛下擢於集作自即吏命掌書詞非因宰相奏
論特是聖慈超授感恩深思頻獻封章遂遭分外侵誣不敢保
全軀命豈謂恩光轉至睿澤逾深出自宸衷選居近地不試使
令入院當日召見天顏口勅授官面賜章服令承旨不顧班資

近日寵榮無比。臣例發言感泣，指日誓心，苟無死節之誠，願受
鬼誅之禍。伏奉恩旨，令臣明日日本司赴上，舊例便合中謝。伏緣
先有疏論邊事及幽州事宜，兼緣李愿入朝並要面目，自論奏
伏料二十日入假已後，南衙機務稍閑，特乞天恩許臣中謝。謹
錄奏聞。伏聽進止。集作勅旨

為蕭相謝告身狀

前人

右中使某乙至奉宣進止，賜臣某官告身一通者，鳳銜真誥，虬
捧天書，錦帙金牋，霞明一作光日照。臣聞高宗命說乃申納誨之
詞，大舜相龍爰有堅說之訓。空書簡冊，未煥繡緗。豈集作如臣寵
榮而集作豈足為喻，慙惶增懼，進退難安。拜受恩光，戰汗交集，無
任感戴，殊私之至。

又謝官狀集作為蕭相讓官表

前人

此篇移入五古七十四卷表門，姑存其目。

代裴相公謝告身鞍馬狀

杜牧

右中使某至奉宣聖旨，賜臣告身一通，馬一疋，并鞍轡。臣生逢
聖代，竊位巖廊，奉告令之詔書，丹青之雨露，猶溫賜集作錫。代勞
之駿馬，內棧之風雲，尚隨寶軸，煥絲綸之言。逸足騁拳，奇之熊
螢光燭火，何禪日月之明。弱質孤根，但荷乾坤之德。殺身寧報
撫已，知慙無任感恩，抃躍懇悃之至。

為侍郎汝南公華州謝加階狀

李商隱

右臣伏奉今月某日制書，加賜臣階朝散大夫者，榮從日下，恩
自天中。臣聞周室設官，實重大夫之號。漢臣異禮，則如朝散。集作
請之名，若臣者辨之談天文，非擲地貪叨華顯，綿歷光陰，當陛
下御極之初，分陛下憂人之寄。金章紫綬，已塵求瘼之榮。級清

階更竊昇高之望循揣斯久怔忡莫寧唯當勤奉詔條所希粗
贖官諄誠深感勵情切遠離大恋主而空深蛟負山而何力無
任感恩望闕結恋屏營之至

謝謹讓狀

李嶠

臣特蒙天慈擢在樞近思私屢及寵命頻加粉骨糜軀雖久誓
於心府纖埃滴水竟無補於川岳是用晨宵載惕啓處增慙素
自庸愚加以疾疹心緒遺忘耳目昏沉實恐虛曠天工傾敗屏
鋪伏思大臣引咎之義輒露微軀陳力之請豈敢避執掌之職
就優游之閑臣美思古人竊仰遺事克國則弘而陳策子囊則
死不忘忠臣自念妨賢甘從屏退敬竭芻蕘之議庶裨日月所
以因款辭違昧冒陳上智慮庸短自 憊尤伏奉綸言俯垂恻
責心膽飛越五情無厝蹈天踏地伏待刑科死罪死罪無任戰
懼之至謹詣明福門奉狀陳謝以聞

奉謝口勅放三司推問狀

杜甫

右臣甫智識淺昧向所論事涉近激許違迕集作 聖旨既下有
司具已舉刻甘從自弃就戮為幸今日巳時中書侍郎平章事
張鎬奉宣勅宜放推問知臣愚忝集作 捨官萬死曲成恩造再
賜骸臣甫誠頑蔽死罪死罪臣比集作 陷身賊庭憤惋成疾實
從間道獲面集作 龍顏猾比未除愁痛難過猥廁衣職願少裨
補竊見房瑄以宰相子少自樹立晚為醇儒有大臣體時論許
瑄必位至公輔康濟元元陛下果委以樞密衆望甚允觀瑄之
伏集作 念主憂義形於色况畫一保大其素所蓄積者已而瑄
性失於簡酷嗜鼓瑟薰庭蘭令之琴工遊瑄門下有日貧病之
老依倚為非瑄之愛惜人情一至集有 玷汚臣不自度量歎其

功名未垂而志氣剡劍覬望陛下棄細錄大所以冒死稱述何
思慮未集作始竟闕於再三陛下貸以仁慈憐其懇到不書狂狷
之罪集作過復解網之急是古之深容直臣勸勉來者之意天下
幸甚天下甚幸豈小臣獨蒙全軀就列待罪而已無任先懼後
喜之至謹詣閣門進狀謝以聞謹進

為濮陽公謝罰捧狀

李商隱

右臣伏準御史臺牒奉恩旨以臣不先覈察妖賊賀蘭進興等
宜罰兩月俸料者伏以霧布微妖潢池小寇有乖先覈上贖宸
聽昔漢以捕集作通盜不嚴猶加黜削晉以發姦無狀以駿科條
豈若皇帝陛下恩極好生德集作仁唯宥過與其漏網上以罰金
臣與僚屬等無任戴恩省罪屏營之至

文苑英華卷第六百二十八

登仕郎胡柯

鄉貢進士彭叔夏校正

文苑英華卷第六百二十九

狀二

謝恩二

謝第狀四首

謝兄加恩狀二首

為子謝恩狀九首

謝賜母國號一首

謝除副使等狀一首

謝賜將士等物狀五首

謝兩第移官就養狀

張九齡

右臣兩第蒙恩移官就養老母感戴殊澤戰荷兼深臣山藪陋
材豈堪國用日月私照謬掌論言犬馬以地近見務烏鳥以情
至蒙福曲承孝理之賜莫知報效之所無任悚躍集作懼荷恩之
至

讓兩第起復授官狀

前人

右臣昨以兩弟身名扶深隱冒家且未正焉能正人所以陳露

奏聞誠欲自律今日高力士宣勅令與兩弟京官慈旨優柔感

深骨髓微臣合有叨此殊恩但臣自四推災集作殃綬喻年序

忝承重任不敢固私而鞠育之恩終懷罔極凡筮在遠真醉不

親唯有兩弟在家獲申請紀今若恭承恩命盡在墨縑將以集

心何顏可偷此集作責陛下每弘教義必先名節豈於愚臣不

無集作少矜憫若使九臯等獲免罪戾幸無削除在臣闔門已霑

殊澤矜令授職但遠衰次於臣私情實所不忍然於朝議必多

有集作喧黷乞竊恩集作命俯亮愚衷冀無玷大猷豈敢自遂而

已不勝哀荷戰懼之至此是讓狀緣與篇謝兩弟授官故英華併入

謝兩弟授官狀

削人

右臣伏奉昨二十日恩命授臣弟九臯殿中丞集作殿中大監九章太

子司議郎臣私門積譽殃罰如昨日月逾邁禮其外除弟九臯

等如臣常材集作以常比伏集作哀疚瞻望本遠縞素集作猶存非

常之恩一朝惣集所惶哽咽罔識言次不知微命餘生何以上

答集作天造載悲載躍集作五情非飛越不勝感戴戰悚之至

為令孤相國謝迴一子官與弟狀

元積

右臣奉某月日勅以所賜臣一子官迴與臣弟定授六字集作

迴授官集作京兆府藍田縣尉者寵過優深集作恩殊感極彷徨自

顧悚惕難居臣本實凡愚集作猥當重任難星辰軌道幸屬聖

時歲月環周實妨賢路未蒙罪退益自慙惶豈謂膏集作慈仍

加溼澤特降推恩之命曲成友愛之私九族生光百身集作何

報况藍山集作美邑黃綬清流族觀井之趨倍慶怡之樂

手足交抃形影相輝空鏤肝心難酬雨露無任抃躍感恩之至

為晉公謝兄林宗為太僕卿狀

苑咸

右臣伏承今月恩制除臣兄太常少卿林宗為太僕卿明命自
天惶^{一作}無地臣兄每私門誓約公道為心務竭忠勤敢踰
涯分豈為陛下降中旨之詔假望外恩按自奉常正於群僕臣
久居宰輔職忝進賢考驟之時詩未能息詠葛藟之蔭先及本
根渥澤既重於立山光輝聽於花萼一門為幸九死何酬無任
感戴惶悚之至

為晉公李林甫謝賜兄衣服狀

前人

右臣今月日中使郭全羽至奉宣聖^{一作}旨賜臣兄大僕卿林
宗紫衣一副并犀角^{一作}帶及金魚袋恩出常倫^{一作}非常超
榮望表闔門奉戴喜懼失圖臣少遭閔凶早遺怙恃兄弟素少
形影相依幸遇休明俱霑官序且一身叨竊謬踐^{一作}台衡闔

門寵榮皆承天覆恩所及始望已過但兄林宗年力稍^{一作}侵
近嬰風疾常恐盍先朝露不報前斯^{一作}豈謂膏渥特深鴻私
曲被河海^{一作}寄已叨^{集作}命卿之榮章印崇班更承綬^{一作}服
之賜慶流公族光照私門雖喜鶴^{一作}領^{一作}之詩終懼維鷄之刺
無任喜懼感佩之至

此第篇百九十二卷表門重前已削去注異同為

為晉公謝

男五品官狀

前人

古臣今日曲蒙聖恩處分仙客今與臣男岫五品并授外郎即遇
誠懇辭天鑒不察仙客承旨又進官憂懼失圖不知死所臣幸
承天蔭特荷殊榮無補涓鹿常覩面目如至邊城克捷狂寇肅
清皆膏略玄通聖謀獨斷臣之遙統但有空名敢冒天功而為
己力虛承厚委深是曠官況在頑童何議近膏假使天慈善誘

宸睠曲臨變其服章已深榮幸更塵清獎河以自安且卽官之
任朝廷俊選無人則缺不可虛授臣男岫性資戇無所能為臣
實知之非為矯飾儻謬踐華省深累聖朝必負黃童之才豈憚
祁奚之舉知其不可敢乞收恩制命未行猶祁便寢無任懇款
之至謹冒死陳請以聞

代王尚書謝一于官狀二首

王仲周

右臣素乏器能謬司方鎮敗公之責夙夜惟憂延世之榮雨露
覃及顧老臣以增懼念童子以何知恩私忽臨負荷無力不勝
感恩惶恐屏營之至

臣某言伏見某月日制除臣男憑御史中丞捧讀綸旨驚慚無
據臣頃戰代河北男亦隨身救援李忠煩軍易定屬陛下遷幸

聞及河南臣畝與論婚聚然得引軍關右堅保渭橋承筭略於
皇明摧克醜於都邑事關聖運功匪衆人陛下特以微功錄其
小子年未登於弱冠官已及於中司若以忠孝而升且無徵例
若由臣授是紊國章臣枋牀殊私即將陳讓但緣李忠在外方
邊寇戎已行之恩難可進止柔遠之體或要順從勉承不次之
榮益荷無窮之惠君親垂施並居踰等之官父子同心各獲指
軀之地不勝戴荷屏營之至

為人作謝子恩賜狀五首

今孤楚

右臣得進奏院報忠和曰伏蒙天恩賜臣男公敏內宴并賜前
件綾羅三十疋銀梳一者臣伏以桃花始開萸莢初吐陛下或
崇佳節以慶仲春舞八封於廣庭陳四詩於別殿道光在鎬義
冠濟汾蓋所以勞徠勲賢昭明慈惠男公敏年才童幼智乏老

成何殊一芥之微忽宴九天之上乳口而食膏昇食青襟而陪
列朝班越次之恩已深逾涯之賜仍及色絲成疋爛盈其箱篋
白金為噐皎映於盃盤澤流而九族皆榮信至而萬夫相慶生
子如父無功則同知臣者君報德何日徘徊官次喜懼交并戎
守有限不獲陳謝無任感恩結恋屏營之至

二

右臣德男公敏狀今月十八日中使王希朝到院奉宣聖旨緣
臣男患耳賜緝一百疋以充藥直并遣醫人劉江診療者臣自
受國恩已更歲序其於功績絲髮未伸夙夜憂兢不知所處男
公敏昨緣耳疾今赴上都素乏義方未能典竭陛下豈意惻隱
之德俯加於織芥敦陸之慈旁流于枝葉殊私猥及淫澤曲臨
特降醫工厚霑藥直雖犢之疾料即痊除君親之恩何可報効
榮光燭於府舍喜氣溢乎閨門恩深命輕繼以感泣戎役有限
未獲躬詣闕庭陳謝不勝感戴

三

右臣得進奏官趙履温狀報忠使堯文嵩到院奉宣進旨賜臣
男公敏冬至節料羊酒麵菜伏以遇臣在邊賤菜蝼蟻弱子兼
疾微如塵埃豈意陛下施會必均推恩皆及屬登臺以望之日
降其出如綸之言錫香謬而滿壺頒肥疋以盈机伏自惟念不
勝所蒙一門驚莫大之榮百衆賀非常之慶未知報効空積慙
惶日月高明照臣忠懇所守有限未獲躬詣闕庭陳謝不勝感
戴恋結之至

四

右臣得進奏院狀報前月二十九日中使某至奉宣進旨賜臣

男公敏歲料羊酒麵等臣自領北藩于今五稔曾無明略以奉
大猷孤直愚忠未足報陛下萬分之一男公敏伏緣醫療勒赴
京都尚奉平除爰逢歲節豈意翮蛎微物飛舞於東風霾縻輕
生霑濡於春雨降少牢而頒賜迺中貴以宣傳麵起王塵酒含
瓊液饑鼠飲河之腹間已滿盈老牛舐之心喜終無極深恩似
海、覆如天寧惟感激一門實亦光明九族可階報答終日慙
惶空將許國之身誓竭在邊之力所守有限不獲陳謝無任感
恩抃躍之至

五

右臣得進奏院狀報今月二十九日中使某至奉宣進旨賜臣
男公敏寒食節料羊酒麵菜至二十一日中使某又宣賜麥粥
飲饌者伏以天地之恩所加斯厚君臣之義有感則深臣自守

近藩曾無薄効緣恩據義以月繫年男公敏未識憲章獲忝班
序每因令節又沐殊私班首之羊委其全體擢芒之麥散以輕
塵粥既擬於瓊膏饌有同於萍實出為寵錫皆申上帝之心食
以充盈莫匪小人之腹涓毫未展饗已頻常懷覆餗之憂有忝
分井之施苟仁之逮下微物敢讓於生成如澤或因臣瑣質何
堪於負荷官守有限不獲陳謝無任感恩抃躍之至

同前

右臣得進奏院狀報今月九日使李朝誠到院奉宣進旨賜前
件節料麵肉等次十日中使徐智嚴奉宣聖旨又賜麥粥餅饌
者寵榮便繁錫賚稠疊或陳於廊廡或貯在罇壺酒可駕車麵
疑經市而况胥古突以為粥味飶於密卷牛肉以成饌規大於
拳皆出御厨無非仙饌而面牆之日未見窺曾含類之口忽此

捧膏恩逾涯分榮冠倫列在微臣而遇幸日益憂兢念小子之何知無由答効身輕施重負荷難勝所守有限不獲陳無任抃躍之至

為蕭相謝賜太夫人國號告身狀

元積

恩賜臣母號告身一通古今月日某乙奉宣恩旨賜臣

母前件告身恩光灼耀捧兢惶戴對揚天休無任戰越臣家傳

儒素母實劬勞每織復以資臣宦遊嘗斷織以勉臣師學念臣

庸昧本望非高所希捧擻之榮敢萌集作思開國之慶陛下恩加

恩望外簡自哀裏石窳封疆已光於萬葉藻殊文字重降於九

重朝野謂之殊私宗族以之集作為榮觀臣及臣母以抃以歡誓

將齊戒洗心永奉真人之誥緘滕在笥深藏大帝集作大常之符寶

過金籛瑞同鵲印蓼蕭知感兩露難酬無任抃躍兢懼集作戴恩之

至

為榮陽公謝除盧副使等官狀

李商隱

新授某官盧戡

新授某官任繕

右臣得進奏官某狀報臣所奏盧某等二人奉某月日勅旨賜

前授件官乞職者臣謬當庶即合啓幕庭撫魚罩以與懷懼叛

皮之癢禮盧戡與臣同年登第少日論文學富文雄氣孤志逸

王清越而為樂文舒退集作晚以求媒實懷難進規不起後時之

歡任繕幼壯孝悌潔靜積微得君子之時中友鄉人之善者匪

因為記實自暗知皇帝陛下俯照遠藩咸加命秩南臺帖職延

閣分班使戡有紆朱之榮繕無衣白之見已經聖鑒可謂國華

冀收規畫之功共奉澄清之寄臣感恩荷聖集作得賢之至

為人作謝防秋迴賜將士等物狀 令孤楚

右件將士中使朱孝誠監領某月日平安到太原其賞物並勅
給付訖臣伏以受命以行人臣之節斯着及期而代君父之仁
己深陛下愛育武夫綏懷猛士采薇遣戍既霑挾纊之恩出車
勞族又有分纜之澤纔識家而兢入俄拜賜以嵩呼盡忘征役
之勞固感生成之德况臣叨居將師獲沐恩澤所守有限不獲
陳謝

為人作謝賜行營將士足段并設料等物 前人

右臣得行營兵馬使李黯狀報伏蒙聖恩賜前件足段設料者
伏者懷生之教莫匪王臣有事之時唯聽君命今者天殊小醜
恩施羣雄豈謂偏裨皆蒙錫賚需以飽而膚革充盈賁於束帛
連袂而衣裳華楚空知飽德河以勝恩兢堅摩疊之心爭竭拘

原之力臣叨居將師誓掃寇儲感戴屏營倍百恒品

為人謝賜行營將士襖子及弓拏狀 前人

右臣得兵馬使李黯狀伏蒙聖恩賜前件物等者伏以往賊未
平偏師在遠臣并全支器械厚給衣裝陛下念以戰爭矜其寒
苦特頒星使猥降天波衣絮八蠶之繇暖如狐腋弓纏九牛之
角勁若鳥號頰及連營未從內府遙知被服皆不戰於兵絳緬
想操張書一作將穿於虜骨歡聲感動身氣蒸騰信山嶽之可
移豈妖氛之足滅臣名叨將師志掃寇儲沐恩澤而空深効勤
勞而尚淺誓將忠懇以勵驍雄所守有限不獲陳謝

為人謝賜天德防秋將士綿一作前人

右臣今月七日中使朱孝誠至伏奉詔書兼宣恩旨賜前件綿
絹等臣伏以武夫之用職在防虞壯士之心樂從征役陛下仁

慈廣被渥澤勞流諭以功名賜之綿帛荷殊私而東拜悉有兼
衣賈餘勇而西行若無遠道同將日力共振天声臣猥守藩隅
叨居將師欣榮感戴實百恒情

為人謝賜軍將官告狀 前人

右臣中使朱孝誠至伏奉詔命慰問臣并宣慰旨乞臣所奉當
使諸將官賜前件告身寵命從天榮光溢路謹呼感戴皆不自
勝臣素是懦愚叨居止將微誠空竭薄効未申伏蒙陛下曲降
天波俯加王澤華資清秩周及於百夫喜氣謹声喧傳於一道
家藏寶軸人受綸言三軍驚次之榮萬井賀殊情之慶誓將苦
節上荅明恩謹準勅奉受分給訖臣與諸將榮限以所守不獲
詣闕陳謝無任抃躍之至

文苑英華卷第六百二十九

登仕郎胡柯

鄉貢進士彭叔夏 校正

文苑英華卷第六百三十

狀三

謝恩三

謝勅書手詔狀一首

謝書使招撫狀一首

奏廣州結好使事由奉詔書謝恩狀一首

謝宣慰等狀七首

謝御札狀一首

謝賜藥狀二首

謝臘日賜藥狀一首

謝藥金盞等狀一首

謝藥金狀一首

謝賜神力食金狀二首

謝醫藥狀二首

謝問疾狀一首
謝紅雪等狀二首

謝勅書手詔狀

常棣

右今月十一日中使劉迂王至奉宣恩命賜臣前件書詔臣謬忝防虞未申戎効寄分庶察又乏吏能尸素實深咎責難追聖慈弘貸榮渥累霑俯降天書兼賜墨詔膏詞寵飭曾無毫髮之芳良旨密臨特受腹心之寄自驚朽骨遠枝殊恩奉承戰悚擎跪踴躍驚蹇之力過負已多鴻私未酬慙懼弥積軍州同慶惠澤溥將慰勉戴加感悅文集無任欣抃惶悚之至

為王大夫謝中使招撫狀

崔行先

臣某言頃者元誼等擅固城池有違詔命臣出師野次持守經年以水攻圍俟其離便誓殲兇叛以靜方隅伏以陛下至德至仁好生惡殺恐失理死不忍誅夷特令中使就此招撫今沼州

收復間井獲安此皆天威光被神武氏定顧惟愚陋載荷鴻私不勝感戴踴躍之至

奏廣州結好使事由奉詔書謝恩狀

裴次元

右臣伏某月日手詔令臣速具前件官本末事由聞奏臣去月日謹具某官歸本道事以聞某月日奏官至伏奉某月日手詔所奏某官尋赴廣州事宜具詳本末想宜知悉者臣伏以綸綍下於紫霄明命光於滄海榮深感極寵洽心驚周章失圖歡揚交集顧鄙劣寄藩維無補涓埃累更涼煥矧茲地遠敢望恩加日月照臨之明無幽不燭乾坤生成之德在物莫遣豈期奉報常儀特降詔書慰撫事逾等列喜萬恒情伏以軒墀一違歲序三變謬戕愧深於星瑋荷恩斯拜於彤庭廝清列於行歲冠歛而河日守炎荒之遐服并瘡痍以嬰身懷死節之母誠願生還

于降闕每承存諭之命更切攀恋之心臣不勝感恩歡躍屏營之至

為人謝宣慰狀

令狐楚

右監軍李輔光迴伏奉勅書手詔宣慰臣及參佐將校官吏等
等臣竊位大藩連蒙近戴山之力雖竭橫草之功未聞寢興以
思憂愧若厲伏惟陛下日明于上育其人降玉筋之天書遣銀
璫之星使宸心照育下浹於校慈旨丁寧旁霑於緣史讓呼之
聲雷動舞抃之袖雲翻榮光併臨愁疾如失不勝勸喜感戴之
至

謝勅書手詔慰問狀

前人

右監軍使李輔光迴伏奉勅書手詔慰問臣及將士等者臣自
守大藩未申微効每承渥澤實所慙惶今者蒙蒙陛下弘覆燾
之仁與天為大廣照臨之意如日斯升特遣王人復還使府捧
絲綸之明詔光寵賤微吐于漫之温言霑霑羣萃浮空而喜氣
成霧動地而歡聲若雷空知受恩何以勝德所守有限未獲陳
謝無任感戴之至

謝口勅慰問狀

前人

右中使孟昇進至伏奉口勅慰問臣及將士等臣素非公才叨
物戎律清無事績用未彰伏惟陛下子惠兆人天成萬物降星
分之使宣綸出之言問以炎涼勉其勞役恩踰素望榮冠常倫
跪聽歡呼衆心如一臣等不任感戴之至

謝宣慰狀

前人

右監軍使某迴伏奉勅書手詔兼宣恩旨尉問臣及將士等伏
以天地大鈞固無私於覆載豚魚微類皆有荷於生成臣實榮

虛叨膺將用至於師人輯陸封略人安皆稟廟謀無非宸等豈
意天慈廣被聖眷旁流歸復監臨昭宣慰撫為膏之雨泛洒於
偏人如縉之言傳聞於列校驩生衆口感羣結心同守節以戴
天各輸忠而報國臣與將士等不勝感恩抃躍之至

謝勅書手詔慰問狀

前人

右某月日中使某至伏奉勅書手詔慰問臣及將士叅佐等并
賜臣官告旌節兼宣口勅授臣節制者臣伏以聖澤汪洋高卑
盡滿皇明照耀微細不遺內愧瑣材上煩慈旨朝聞夕惕豈復
遑寧夜思晝行不敢失墜今者三軍輯陸萬井歡康皆憑天威
盡出宸美慙將孱劣虛受恩榮某月日已差衙官某奉表陳謝
訖無任感戴之至

謝慰諸州軍鎮等狀

前人

右中使至伏奉某月日詔書令中使宣慰諸州刺史外鎮將士
等令臣亦使人安撫者臣準詔差虞侯張液隨中使某所在存
問以某月日却到太原伏以設官分職邦國之恒規秉義納忠
人臣之素分伏惟皇帝陛下嘉其奉上念以守邊降駟騎於九
重諭天心於萬里法南風之長養豈擇卑微並白日照臨不遺
遐遠邊城將校并里黎人兢鼓舞於皇明盡霑霈於聖澤室家
相慶關塞無虞臣忝守戎旃不任忻忭之至

為崔仲孫弟謝手詔狀

前人

右中使戶偕至伏奉手詔慰問臣等伏以聖澤均霑天光下燭
欣榮感戴不勝自臣生代未偕遭家不造嬰孩之日長養於外
家童冠之年因依于伯姊容身寄食以至於今事說念臣以密
親署臣以散職誓將裨補義不依違誠意莫申大期俄追今者

獲成安泰仰荷聖明豈期特降恩波深蒙慰撫昆蟲賤命不可
以戴天葵藿微心空其向日親踈共感存没同榮無任感恩抃
躍之至

謝御札狀

元積

御札二十三孚右恭倫重晏至宣賜臣前件御札其中聖旨云
鎮州逆亂枉害忠良若與元冀鎮州節度便集作是捨賊之門
者伏以睿筭若神聖慈猶父視兇狡之構乱義在克清念急輔
之御克期於報此盖仁深天地勇過雷霆臣實庸愚難議窺測
况臣謨集作謀猷失次罪戾是憂宸翰忽臨天章煥發舞鳳迴翔
於懷抱飛龍顧盼於縑緗豈獨傳之子孫便合於肌骨微臣無
任踴躍光榮之至

謝藥狀

集作表

張訖

右內使陳忠宣旨賜臣痢藥臣攝生無方自貽疾疾聖慈於憫
垂恩救護氣衰力備忽喬求命之符腸渭胄虛更服集作餌返魂
之草蒙天营枯集作護指日痊平雖萬分灰何酬造化謹附忠盛
奉狀陳謝以聞

謝勅賜藥狀

張九齡

右高力士奉宣恩旨賜臣等鹿角膠九及駐年面脂有命自天
感戴兼至臣等涓滴無補渥澤日深多謝股肱之良每慙智力
之効徒承恩聖同體之義更霑御藥駐年之錫事絕希幸禮優
常遇微軀殘貌因殊集作大造而載延捧日承天荷曲成而靡集作
無極無任悚戴之至

為晉公謝臘日賜藥等狀

苑咸

右昨晚內使曹侍仙至奉聖旨賜臣臘日所合通中散駐顏而

脂及鈿合并吃力伽丸白黑蒺藜煎指齒藥等逼夜又賜臣粳米一百石麵二十袋適中使楊元新至又賜鯪魚魴魚鮭魚等仍便令膳造伏以嘉平舊節鍊藥良辰錫靈仙之秘方均雨露之殊澤金膏玉散駐齒髮於衰容瑞面香粳頓豐盈於私廩况鯪魚魴鮭等降自天厨中使炮烹皆承聖法不資椒桂之力備適鹽梅之味臣竊位歲久叨榮日深調鼎之功未施於毫髮登俎之美屢浹於恩波徒荷生成何酬造化無任稠疊感戴之至

謝賜藥金盞等狀

前人

右內給事袁思藝奉宣聖旨賜臣藥金盞一匙并叅花密餘耳煎及乎脫合二蕪令中使輔朝俊親授昨所賜金方法者伏以聖澤無涯已沐九天之施真方不秘更示八公之法王人俯及寶器仍頒且自昔名臣近代良佐雖功業攸着或不承比况臣才不逮右雨露之澤逾深任重當時涓塵之効無補仰瞻玄造上谷何階無任

謝賜藥金狀

前人

右內給事袁思藝至奉宣聖旨賜臣江東成金二挺若服之後深有補益兼延駐者伏以仙方所秘靈藥稱珍必候休明之辰上益無彊之壽不意俯迴天眷念及微臣賜九轉之金駐百年之命且螻蟻賤質豈能長固蒲柳易朽常慮先彫竊荷生成之恩寧酬造化之德澤如何海空欣與翼之期寵若丘山何伸灰粉之謝不任

謝賜神刀食金等狀

鄭綢

右今日中使某至奉某月日黑詔賜臣前件神刀及食金五挺

並合子鎖等臣遠赴藩鎮上軫聖憂俯降王人特頒寵賜暢威
懷於遠服佩以神刀矜微劣之庸軀賜之靈藥捧受戰越以抃
以驚臣即以金日發藍田縣闕庭漸遠道里猶長瞻望天顏感
涕交集無任戴荷結戀之至

謝賜手詔兼神刀藥金狀

孔戣

右中使至伏奉墨詔并賜藥金一合神刀等俯循陋質仰戴殊
私激澣無比其深山嶽無方其重臣華門賤品環堵諸生乏御
悔之籌謀軍濟時之方略而因緣官李塵忝班行効無可稱事
每逾量聖慈過聽擢領藩方祇命戒途不敢陳讓省躬撫事益
懼菲才今又特降王人遠臨効甸寶刀出於武庫上藥本於金
精足以蠲除癘激發忠勇顧惟孱懦承此寶光捐軀盡節豈足
為報無任感戀懇款之至

為人謝問疾兼賜醫藥等狀

令狐楚

右今月十八日本道監軍使李某至奉宣口勅問臣所疾十九
日中使張良祐至伏奉詔書賜臣烏藥蓼子各一合藥方兩紙
并借供奉醫官兩人醫臣疾者臣素是凡庸猥當朝寄暫垂將
息特軫聖慈綸出王言朝昏不絕星馳驛騎道路相望頌先藥
于雲中降神醫於天上仰承榮寵冀即全平兢惶失圖感戴無
地蒲柳之心猶壯誓竭丹誠狗馬之齒更長敢望玄造臣見準
詔書於醫人商量服飲子及塗藥將息腫氣已退煩熱未定所
守有限不獲臣謝無任感恩結戀之至

為人謝詔書問疾兼賜藥方等狀

前人

右臣奏事官高榮朝迴伏奉墨詔問臣所疾并奏宣口勅賜臣
藥方者臣疲馬疑作之質寒熱所侵仰憑天慈今已日損豈意

猶煩膏想尚軫聖衷特降千金一作全之方兼飛五色之詔榮光
一燭愁疾如遺誓畢微生以酬殊造無任感戴之至

為人謝問疾狀

前人

右監軍使李輔光迴宣口勅問所疾者臣頃因時早疾以憂生
仰蒙覆育尋就疾除伏以君恩過厚天聽至卑縷形於詞如撫
以手顧慙微細特繫於宸衷內省疲羸尚關於瘠想榮益懼喜
極而悲當望雙闕以注心守以隅而盡力不勝感結抃躍之至

為令狐相公謝賜金石凌紅雪狀

元稹

恩賜金石凌紅雪各一兩右中使竇千乘至奉宣進止以臣將
赴山陵時屬炎暑賜臣前件紅雪等臣職司復土戀切攀躡方
當匍匐而前敢有赫曦之懼豈為天光下濟靈藥旁霑念臣有
丹赤之愚故賜臣以洗心之物察臣有木訥之性故賜臣以苦

口之滋就日疑不治之清求在合若遇圖之絳雪恩加望外感

極成悲

集作
禹襄

無任跼蹐屏營之至

文苑英華卷第六百三十

登仕郎胡柯

鄉貢進士彭叔夏校正

Vertical columns of text on the right page, including a large watermark 'E'.



Blank page on the left side of the book.

